

泉州府志

第三十五册

卷之六十一至

卷之六十三

泉州府志卷之六十一

樂善

泉土瘠民貧一二素封之家類皆口約腹裁自營什
一之利外此或經商於吳粵或泛航於外國其致之
匪易則其出之也不輕於是計錙銖析秋毫有甘受
鄙吝之誚而不辭者惟夫好施者流見善如饑赴義
如渴凡郡邑大役以及橋路寺觀恆傾囊倒困以濟
其他憐貧周急恤孤助喪皆出於中心之樂從而無
所強彼固謂天地生財勢難適均酌盈劑虛不必視

爲已有也若乃家無百畝產僅中人遇有義舉猶竭力捐貲以應之室內常空晏如也

國家下旌勸之典凡慕義好施者授爲職官榮以冠帶自督撫大吏以及郡邑長亦時賜額以褒之視夫擁厚貲利子孫卒之泯泯無聞與草木同腐者竟何如耶志樂善

唐樂善

黃守恭先光州固始人移居泉州樂善好施人稱長者乖拱開慶一僧乞所居地爲寺唯之曰樹產白蓮乃可越

二日桑樹果開蓮花遂捨宅以建卽今之開元寺僧人
爲立祠禪堂之左世祀之子四經紀綱給分居南惠溪
同四邑後皆蕃衍稱爲四安黃氏

宋樂善

陳彥達

李密 李國表

謝應瑞

劉君輔

陳彥達晉江人家富篤義時出私財助公見人貧乏惠濟
之讀書手不輟卷舍南數武爲別館中堂設圓牀環榻
與朋友共食士無資者就彥達昕昏食飲寒暑裘葛油

膏紙筆之費皆無所吝鄭俠名其齋曰尚友而爲之記

書閩

李密李國表俱晉江人向義樂施郡南六里陂下溉七十
二埭居晉邑田賦三之一自五代時吳公創設曰陡門
內蓄溪流外拒海潮至靖康元年崩壞密與國表請於
邑令洪元英卽命二人董其事乃自捐千金與僧祖派
體柔于紹興六年定基築造加設二閒遂稱六陡門歷
三年告成又慮歲久復壞會四十三鄉請郡縣設陂夫
官給工食於上高下瀉之處立數涵定期啓閉木印封

固以垂永久明僉事李輝作增築六陡門記尙寶卿李

源勒諸石

節碑文

謝應瑞晉江人淳祐六年郡飢自出私錢四十餘萬糴米

賑人詔補進義校尉

闕書

劉君輔字仲佐號西橋晉江人生淳祐閒仕宋主簿幼失

怙及長竭力經營置田南同二邑計三十六庄租八萬

四千石外復有山林地稅於祥芝本里構孔聖廟像又

構書塾於芝山延邱葵林與祖諸名宿教子姓歲出粟

三百石爲師徒俸膳之費興建慈濟宮金沙接待院海

會堂古山庵龜湖東庵青蓮院豐山巖塘邊巖重脩虎
岫寺其餘庵廟壇榭脩葺者莫能枚舉年七十一卒

元樂善

趙深道

劉益

趙深道晉江人樂善好施至正甲午歲歉飢殍載道深道
於中和堂設粥令飢者列坐供之所活甚衆旣而大疫
死者相枕藉深道造舟施輪其下會衆僧以長繩挽拽
沿街搜索或遇門閉輒排以入舟挽各城門外埋瘞之
日不下數次有司以聞于朝旌表其門曰義士

舊志

劉益字有諒晉江人良家子弟帥義兵從帥府討山寇
呂甫以軍功補官至正中授晉江縣尉以運饋餉至大
都陞南昌主簿西域那兀納等據泉炮烙州民以索貨
財不得者多置於死益悉捐家貲贖之所活者甚衆咸
聚於西峯院飯僧爲益祈福後謝事家居無病而逝年
八十四 八閩通志

明樂善一

徐迺遜

李英

陳乾道

李明

張頌

胡欽

李森

李却磐

歐陽鑄

李杲

胡乾篤

蕭銘

李珏

陳樸軒

莊鐸

潘泗

林興

蔡德

徐用賓

鄭承元

陳庚

詹仲憲

徐紹編

王汝雲

王叔中

李棟

吳良獻

林健

徐迥遜字世淵晉江人薦辟福祖子慷慨有大節能拔人
難危中小弱輩藉以爲活者常數十百家先是光孝寺
災獨力重建無所吝嗇又以清淨寺淺逼更拓地架堂
廣之今紀德遺碑猶有存者年八十餘卒御史林潮爲
立傳紀之子陟永樂庚子舉人

李英字俊育晉江鳳池里人以貧家里中而急爲義人目

爲長者縣洛陽橋歲久海沙日積橋址下沒而風潮過
當水嘗漫橋不得涉守馮麟以委英英出貲高之幾六
尺凡貲貲萬計郡南洋田界于海捐貲築堤堰時啓閉
自是旱潦無虞今其子孫多衣冠而鳳池之李爲華族

聞書參水
利功德錄

陳乾道

同安志
作乾通

同安人唐陳塲老之後家富好善至老康

寧子姓滿前年九十五終曾孫華玖宏治戊午舉人

聞書

泰同

安志

李明晉江竹樹人正統間開客舍生理有永春吏解糧投

宿因醉置銀數錠計五十餘兩於床蓐下次早行急忘
取去明檢得封識之月餘其人復來寓問其近况蹙然
曰前月來郡因醉遺銀至今揭賠未完明立取原銀還
之吏驚喜願以半謝固却之後生子源登進士官尙寶
卿明生封主事享福二十餘年

近時
新案

張頌字士表惠安人恤孤賑貧作家塾延名儒教子孫親
戚子弟來學者悉廩之歲大疫鄉人或闔門病頌持粉
漿藥物沿戶省視正統中沙尤寇發距縣四十里衆惶
惑欲避頌力言縣尹當扼要堅守母自樞擾俄有令抽

大戶轉米餉軍人洶洶謀避願率先詣縣受米尹大喜
卽委願督餉願勒什伍止宿輸納悉有次第暨畢事無

一亂行者

閩書

胡欽安溪人仗義好俠能以其貲爲善事天順戊寅歲大
飢出粟千石助賑事聞褒異賜冠帶有司建亭旌之得
蔡清於齟齬時以女妻之後果以理學爲一代名儒人

服其知人之鑒

節王遵巖文集

李森字俊茂號樸菴安溪感化里人天順中任源口司巡
檢少慷慨有志尙席先貲益盡力居積乃計歲入捐粟

千斛別窖之凡親戚里中人嫁娶病葬緩急咸賑贖之

郡太守欲脩治堂筦庫森慨然任之又佐脩郡學邑治

堂過劍口渡患人病涉召匠爲造二十梁工未就有老

人語曰盍塔諸言已不見森塔之復橋莆田江口脩郡

東嶽廟及元妙觀創五帝殿寢復爲本邑建龍津風池

等二十五橋龍津清溪獅子等宮宇九所助脩福州芝

山寺前後費不貲而李長者之名著于閩中天順中應

詔出粟五千石賑濟又募義輸邊粟三千石朝旨旌爲

尚義錫文綺二森詣闕進方物稱謝命宴勞之時鄉落

盜發森悉擒殺之沙尤寇掠泉森掩擊生俘會黨餘皆
就撫上其功授漳州九龍嶺巡檢頃之從安溪民請調
源口永春德化前後缺令監司委森攝篆多惠績又攝
本邑事復脩公署建儀門百廢具舉胞弟却磐咸駢爲
義別有傳李氏子孫稱森曰旌義公森平生嗜義好施
五十年閒建造經營蓋無曠時虛歲云

國朝康熙閒裔孫光地以森賑飢平賊事奏聞

欽賜急公尚義匾額

舊志參閱書
安溪志

李却磐字俊德安溪人森之弟以曲謹聞有故人急欲貸

其兄森五百金不能應長吁輟食却咎偵知爲具如數

勸加餐與其兄俱稱長者

節安
溪志

歐陽鎬南安人幼喪父旣而祖父與伯叔蕃功之親相繼
淪沒鎬孑然隻身依祖母爲命天資聰敏仁厚弱冠能
奮然自樹立孝養祖母撫卹族人敦睦親戚人皆賢之
治貲漸裕先世門閥悉還舊觀值邊事急出粟助邊得

邀冠帶之賜

節蔡文
莊集

李杲號愛松晉江人郡南六里陂瀦水灌田堤決水瀉農
民倉皇邑簿驅役築之累月而工弗集值東作方興民

心益急以請于臬遂捐資毅然脩之不日竣功鄉民賴
之子貫宏治壬戌進士兵科給事中

節水利
功德錄

胡乾篤

閩書作
乾爲

同安人父克裕有孝德偕妻雙壽至九十

一歲乾篤事親孝謹好善行義成化辛丑遇例納粟給
冠帶造余塘溪橋以利行人既訖工請父母行橋上效
舞綵戲鄉人羨之著家訓以示子孫於赤泥山立義塚
收埋枯骨邑令龍越作忠義堂旌之子廷銘亦有孝行
曾孫明佐萬曆壬午舉人壬辰進士累官山東叅政

開書

叅同

安志

蕭銘字克純號雪松晉江人敏慧有心計與時伸縮居積
致富所酬酢多合宜課僕力穡以爲儲蓄遠出徒行衣
履非垢敝不易自奉泊如也事父母竭致脩髓得其歡
心處兄弟友愛親歿喪葬事獨任之弗累諸弟建祠宇
置祭田遇匱乏者周之橋梁圯壞者脩之丙申丁酉歲
大飢發粟賑之郡太守深褒嘉焉晚於後圃築軒鑿池
培植花卉招知友爲逸樂會年六十八卒司徒顧珀銘

其墓

節顧新
山文集

李珏號素軒晉江人祖璣正統間董脩六里陂有功歷宏

治辛酉陂壞珏倡首捐資相度地宜變舊基而改築之
視前加固衆復推珏掌陂事乃命季子宗綸任其役時
昔盜洩珏令當適南之橋重築一垠七分提壅以爲六
里之利三分中流以爲下溝之資上下交濟內外適均
而舟楫亦不至於阻隔人皆便之

節水利
功德碑

陳樸軒同安人爲經歷書記成化初大小登民以通夷內
徙委經歷查勘朴軒爲極陳登民化離狀且代畫保全
之策經歷如指抗言之得全活者數千人建祠勒石頌

其德元孫基虞

同安志

莊鐸字世鳴號儼齋惠安人警慧特達善養親親歿殯殮
葬祭身獨任之處兄弟怡怡出入衣冠整然與大交洞
見底裏有告乏者輒周之捐百金以建忠義神祠宏治
己未歲大祲郡太守檄舉糴粟于廣以賑飢鐸往返再
四民賴以全活者甚衆年八十九卒司徒顧珙爲銘其

墓

節顧新
山文集

潘泗字德政晉江人賈於三山主鄭家與徽賈同舍徽賈
遺橐金去泗將他徙得之乃攜往別寓而時時之鄭家
徘徊者四十餘日後一日之鄭開戶內勃磳聲疑問其

故具言客遺篋金疑吾妻利以嫁女索急女無以自白
欲就死泗大驚曰誤矣吾遲久不去正爲此也立往他
舍舉橐還之賈感泣曰吾生平指据盡此二百餘金
去命隨之矣非君活我幾索我于南臺江之濟願割牛
以謝辭不受羣賈義之稱曰真叟子實寬

舊志參閱書

景璧

集

林興字廷讓號逸齋安溪馴嶺人入粟助官旌爲義民嘗
言逸最有趣世鮮有得之者清君正悅松泉之須陸魯
望任江湖之散亦若得之矣而未見其深也在人境無

車馬之喧見南山有悠然之適斯深於逸矣人聞而訝
之曰義民僅知急公取冠帶榮於鄉耳安能言及此此
豈尋常義民耶由是皆稱爲逸齋公有語以求田問舍
者輒艷然曰我真田舍翁耶旣呼我爲逸齋如何又來
薰我以俗耶女妻於詹早寡遺孤源興多方撫恤俾得
力學有成女以貞節見旌年七十二卒陳琛爲銘其墓

節陳紫
峰文集

蔡德字永興號易齋晉江安平人有弟三人俱早喪鞠其
遺孤長爲婚娶待宗黨有恩鄉有朱子祠官重新之擇

德董其事殫力經營食寢俱廢東西二石橋跨海數里
歲久傾圯德捐貲倡新行人利賴歲飢官給直買穀散
賑推德任之貧戶均沾沒後史于光為銘其墓

節符
江集

徐用賓字子尚號少涪晉江人南京戶部主事榮之子弱
冠補弟子員有聲應貲例授典客出為攸縣簿兩督祭
上留曹於例羨一無所染長沙守賢之委署邑篆用賓
懇辭曰行者代庖居者移擔恐息端從茲啓耳守心服
其言復督運又無所染如初廉聲四起上官咸稱其賢

遷丞無錫無錫頌患歲惡草轉者剽奪奪相屬于途用

賓嚴訊捕日設粥賑飢掩骼給棺皆相俸濟之民呼曰
徐父壽卒于官用窶內行厚篤天性惻怛友人告匱
者倒囊糶券無所恡嘉靖丙申丁酉大荒疫用窶夜衣
短衣偕一蒼頭負銅錢十餘肩施之不令知姓名日則
搜屍埋葬凡六十晝夜甲辰乙巳旱疫益甚時用窶家
已落假貨賑捨如故辛酉壬戌倭寇充斥官私俱困賣
田宅以應公役而恤飢孳仁枯骨如初計其三度施賑
費不下數千人比之東漢劉翊孫縉芳萬歷辛丑進士

舊志卷閣

善

鄭承元字仁甫號梅峯晉江人潮州守良佐季子為郡諸
生有聲父歿毀瘠三年既除服擬游上舍會母病不果
貲漸落乃剖橐中藏出金錢數千緡遊二二蒼頭留遷
旁郡漸致豐裕復躬走吳越趨時觀變所至與賢士大
夫傾蓋相驩白金為壽名山大川登臨殆遍歸構亭一
區脩竹數椽左圖右史嘯咏其中亭外鑿池畜魚延賓
客開樽舉網浩歌自得為人樸誠醇厚事親孝與人信
父兄子姪多顯偃僂益恭性厭紛華食無重肉衣無襲
絲行不張蓋施德于鄉兵燹之歲殍民載途發囷煮粥

全活無算予不任德貸不責償焚券市義分散貧人厚

施而薄望蓋以儒治賈致富而好行其德者

節學
集

陳庚號介山晉江人剛方朴直言行信於鄉事親孝及父
歿撫愛幼弟尤篤家頗饒而服御澹如至大義所關則
不計費嘗營父葬地度平衍可多墾分其半以葬從叔
父有姻戚柯與馬姓老而寡爲買棹以待其終親屬與
居室緇道葺寺宇每捐粟數十斛助之性喜飲酒每往
必與弟偕弟或不往則不醉而歸見子能讀書者厚鍾

愛之卒後丁自申爲之銘

節三
陵稿

唐仰憲原名仰成字爾憲以字行補邑弟子員曰仰憲安
溪人仰庇弟敏智算善擘畫輕財喜費而恥自封郡邑
大夫有興作之事輒求仰憲主治仰憲於凡木植執篋
漆髹塗壤踊賤厥良心計目審不失尺寸工匠執技以
從如部曲之隸將帥手足併赴不督自趨官役仰公帑
或不時給仰憲出橐中裝先之畚鍤小人尤樂從事所
作治具可堅久而家貲爲損減郡邑大夫善仰憲佐公
家急親禮適當仰憲又交游諸公權治無閒時時解紛
持平於親友朋所以賑飢濟貧推力是視饗子飢人天

且父之仰憲所爲郡邑治工作不可勝數其大者在新
文廟繕泉城脩洛陽橋作獄神廟塔溜石之灣以縮泉城
風氣於清溪本邑捐貲播名宦鄉賢二祠少孤事兄仰
庇若嚴父兄貴不屑以勢醜加人謙恭下士不輕干謁
有司歲飢殍死相望有司開倉發帑請主其事仰憲以
身自往城市村落閒隨處散給益以已貲煮粥與飢者
食或分以錢人賴全活平日任事無首鼠無避勞辭怨
衆危之不爲動人誹之不爲沮游閭里閒與人有所掖
護歸自喜曰今日幸行一善事矣夜立中庭禱告帝鑒

以爲常李廷機常稱其天才人傑云仰憲死他日郡城
崩學舍圯橋梁頽泉人歎曰無詹公矣祀忠義

景璧集
泰安縣

志

涂紹號裸齋晉江人好義勇爲筍江橋圯捐資率衆脩之
歲飢道多餓瘠官勸分聚米煮粥救活紹出米獨多受
獎勵值公務經費不足邑令懸格募出錢計多少予散
官有差紹出錢獨多得七品散官賜冠帶戎籍有涂伯
堅者戶已絕名猶繫籍中仇人指誣紹族曰此伯堅之
涂當勾丁應籍以從伍族人咋舌彈指莫知所爲紹出

鳴于官淹三載乃決費至數百金未嘗銖以及於人他
義舉多類此子淵能詩爲梁定沙巡檢再除神安鎮巡
檢譏禦之外不索一錢里人工慎中爲文誌其父子節

遵嚴

文集

王汝雲晉江沙堤人守約好施尙義恩翰嘉靖丁亥開大
雨連綿溪漲海溢留公陂之左堤決田沒民苦賠賦因
循六七載適太守屠倬拯念民瘼捐俸議伐松驅石築
之而難於董事衆咸謂非汝雲不爲功遂以禮致之汝
雲至則矢於衆曰敢千秋毫息事方命官有常刑於是

協力羣作供役傳餐於家不廢公餼未終歲而石堤成
太守躬詣宴勞簪花鼓樂導歸越丙申舊陂復比太守
王仕俊詢于衆復以幣請汝雲續功益力不數月竣事
由是水循故道田耕而賦復晉惠兩邑世受其利後僉

舉爲鄉賓司徒顧珀爲文記之勒石陂左

抹顧新
山文集

王叔中字道成晉江人武肅王審邽之後天性孝友樂善
好施郡東岳祠旁有地祇院邑令以淫祠欲毀之叔中
捐貲謀衆易廟額曰忠義聖壘陸秀夫文天祥張世傑
岳飛張巡許遠關夫子蘇緘趙昂發諸忠烈神像由近

溯古事急未暇論世像既成令鮑龍過之展拜焉院得
以不毀又以舊宇就圮圖鼎建而貲不給夢神告曰予
助爾振土廟前得銅鉢金銀用怡足後以子貴封戶部
員外舉鄉飲大賓年七十六卒郡人義之爲構堂像祠
于廟左子同諱嘉靖戊午舉人壬戌進士歷官知府

書

鈔

李梯字冠夫號龍溪晉江人移居南安幼喪父事母恪恭
嘉靖丙午有流寇剽里母被傷梯適在郡城痛且憤捐
貲募鬪士拒賊衝擒數十人歸于官而致之辟歲飢出

粟百餘石輸官條事宜行之藉以全活者甚衆邑令行均賦法屬爲者正履畝考則咸服其平祖祠淺狹捐分地金易地拓建之有族姪貧不能舉婚給田十餘畝助聘娶嘗曰天道忌完神道忌彰人道忌露物道忌華君子蓄之以爲發守之以爲通明也而晦居之才也而拙用之裕也而約出之天神人物之道所由貞也人謂其言有味焉

吳良獻號北澗嘉靖間晉江人博學潔行教授生徒遇貧乏輒分類閒哺教且養之晚與東督師迎爲幕府值討

賊脅從者聚議戮良獻勸合審釋不許祇廢食全活至
百數十人回家道漳州見有攜幼女投水者急問其故
則因逋官錢莫償也傾囊與之抵家無以度歲晏然自
得年六十四歲始生子載鰲登進士官僉事

近時
新案

林健晉江人家貧尙義歲飢爲粥以食餓者族有病疫人
爭避之健叩門呻吟聲詢其家不舉火二日矣亟措
斗米濟之嘉靖閒倭亂有族宦避兵城屋金帛籍券數
千百盡委健爲周旋十餘年事定給還無失欲有分界
却不受嘗以堪輿遊漳三載值歲暮歸道遇貧嫗將鬻

女持而哭詢狀傾懷中金十五兩盡與之至家索債者盈門妻情急伺健出闔戶投繯忽聞空中大呼曰且放他下俾生貴子貴孫其繯忽斷是年遂生于武且後貴

贈如其官孫欲棟欲楫

近時新案

明樂善二

胡道

陳衢

吳輝

林彥佳

李炳

蘇玉

顧應蘭

何元選

陳栢

伍榮辰

黃一復

林文明

蘇墀宗

劉應寬

黃昕

洪松

黃思詔

張遴

劉柳

李呈春

陳以廉

洪以詵

陳存恕

田雲龍

施濟民

傅志節

陳啓璣

謝振玉

胡道字宗緒號榕溪安溪人父誼以貢爲遂安訓導遷英
德教諭卒于官道數千里扶櫬歸指据襄葬事毋盡其
力見長老孫悌與倫輩敦睦接卑幼尤異抑不情囊無
贏財有以急告者傾囊與之嘗受安溪訓導周君某寄
金一篋他日隣火道適他出家人皇遽避火多遺失而
篋金故在周訓導聞災拊曰亡吾金矣一日道持篋昇
周曰金在此周驚喜如新獲割十金爲謝睨然曰使吾
爲金獨不可利此一篋乎峻却之周大感嘆居郡城坐

客無虛日或不合客則之他合杯觴煖日不知日之運

也年八十一卒于禮靖安教諭

節王遵
巖文集

陳爾字孔伸號象西晉江人琛琛負幹才而勇於義衆推

掌六里陂水利豫備水旱遇雨竟夕不寐策杖視水督

陂夫啓放既霽閉之旱則晝夜巡行無敢私啓漏洩者

舊時木石船貨過關俱有稅或敢取其禾或家征其穀

或設網罟取魚蝦視爲固然衙一舉禁草之陂夫工食

如期給發官未及頒則取懷予之陂岸崩自捐三十餘

金砌築不煩里族陡門窄不足容水陡梁至缺折臂已

田數畝以充費改築完好又於溜石廟前增築陡門一

坎濬導溪流郡南數十萬畝之田盡資沾溉邑人李叔

元爲紀其事勒石于道左鄉人建祠塑像祀之

節水利功德錄

吳輝字文旭安溪人司訓彬姪嘉靖丁亥歲督學邵銳來

邑視學以朱子祠遠離賢官謀徙之輝有隙地濱於學

值百金遂獻之邵欲償以直不受欲償以故祠地復不

受因廉其世有義行扁仗義二字以旌之及爲滁州目

兩院亦獎以扁卒於官

安溪志

林彥佳字克美安溪人居晉江歲貢生素行慷慨親族子

姪知讀書者悉邀來家給飯食之與諸口弟通財無所吝歷教揭陽陽春所在捐俸育士晉江黃光昇張冕皆

推重之

安溪志

李炳安溪人性剛毅樂善好施

關書

蘇玉字子琢號秋江晉江人十六歲而孤二弟一九歲一

六歲茹荼披荆獨柄家政比弟成立謀析箸則以美室讓之而居其偏以良田讓之而受其礎确自搆小齋齋外爲沼環沼爲畦貯書釀酒養魚種蔬賓至熱醪取魚擷蔬應時而具客座常滿家計日落而喜客益甚時進

兒曹談古今忠孝節義事見道有遺編卽俯拾之有遺
飯卽檢置七豆上櫛髮寸莖必藏之曰此先人遺脉也
性慷慨好義有里正張本欽同赴公旬不能上計簿吏
持之急適玉爲仲女治裝撤奩貸八千以濟之不責償
鄉有六里陂縮轂九十九溪之水入海所溉田居邑什
之三掌陂者弗習水白去之請以身任陂內白鷺埒延
袤十餘里某子甲利之欲築爲脩畛毅然爭曰茲地受
上流九十九溪之水非碁廣不容一或隄之水潦時至
民胥爲魚奈何以一家之利博萬世之害昌言於衆共

格之海濱沮如與濤出沒其不可田數百鍾有薦紳
謀玉鼎分之玉曰此十班版米也竅口難飢專欲同濟
不如違之里有爭者諭以禍福平其忮心各散歸偶遭
疾對故人道別油油若平生日吾願受其正足矣遂卒

子濬

採三
餘集

顧應蘭字維心晉江邑諸生少司徒珀仲孫也珀居鄉每
值凶災捐穀出賑而應蘭能承其志嘉靖庚申辛酉閒
民中倭大死疫應蘭召役夫舉藁植竹簞裹屍一萬六
千餘而轉斫髑髏且以萬具別男女而邱之郡城村落

在在而有而爲之志曰嗚呼在昔盛時民無菜色飽暖
以嬉死無所歸則鄰里助其葬有司埋其鬻爾輩何不
幸值此時也禮葬者載柩於庭乘輜辭祖親戚姻朋執
葛紼歌蒿里爾輩何不幸值此時也蓋在長楚之詩曰
天之沃沃樂子之無知兔爰之詩曰逢此百罹尙寐無

叱問
書

何元選字元學號吹洛晉江人元選弟少穎敏十歲庭授
章句經書傳註寓目成誦十三父歿哀毀執喪如成人
十九補弟子員弱冠游何炯之門炯目爲奇士每日講

口授畢邁卽筆記閱再歲手疏解累十二卷築精舍
於東湖臨江引曹偈互相切磨旋卒業成均嘉靖甲子
順天鄉薦元選爲人倜儻英邁習於昭代典故沉毅有
大畧善赴人厄困友歿子少孤家貧廷歸解衣授餐給
食館之其人竟以儒顯某友沒當元旦慨然曰凡人身
臥地不收何忍以獻歲爲解卽日捐貲市櫛合家僮昇
前行而身從其後觀者錯愕慕義壬癸之交倭亂歲旣
貧民逃入城中野者枕藉元選會巨族出粟哺飢全活
千計復慎機詰給備募脩器械蓄休輪直具有成規督

撫檄郡邑爲式延致幕府令條方畧鑿鑿中窺寇退卜
兆改葬祖父母置祭田營祀屋建鄉塾召子姓弟姪耕
者受器讀者受書家歸二年漸施有政而嗜學日篤隆
慶丁卯方東裝北上旋卒李光縉謂元選世所稱豪舉
士跡其行事則恂恂儒者仁心爲質引義慷慨百里頌
功千里頌名內外無聞

景璧集梅谷集

參

陳哲字敦晦號弗齋晉江人三歲喪父四歲喪母與二兄
鞠於祖父母少聰慧善誦屬文誦其儕二十爲諸生會
然知名分父遺貲八之一讓朕取瘠所居屋盡畀二兄

而目營別築讀書之暇治生積穀儉用佐財貲稍進則
遺家僮數十人轉販郡國營什一不數年竟致千金乃
挾貲數百北走燕趙游太學與四方名士相雁行所至
無不願交衣無完采食不兼味徒步行市中而喜賓客
存問造請帳具無虛日族戚故交寒者衣之飢者食之
婚娶不辦者資之貸于錢不能復者焚券予之授人若
棄假人若忘善壁畫每從士大夫口策縣中事卒如其
言邑長聞而重之造門咨訪以爲常邑安平萬福二埭
受產二百餘畝先是海堤失障歲寒歲決徂墟望洋

鉅稅通邑令難之哲語人曰此第以隄善濟耳築合廣
一二丈何患不障奈何割數百頃田撥海若養魚哉令
聞持羊酒踵門推為祭酒有難之者曰隄就奪士大夫
利也不就以千金委海矣哲銳身輸金為之隄竟就安
平羣盜聚百餘人猝至其庄劫求糴哲屹然不動曰誓
兒我不能賑汝耶安事糴人與粟擔各糴拜謝去且告
以走郡城中有應叛者哲夜馳入城白大府按捕盡獲
之中年精岐黃術有病草來求者施藥應之立愈逾五
十以上舍生獲濟豐縣丞職司馬政每綜馬使者至稽

怒良囊肥瘠時多寡不恃簿書取咎口纒纒對不休靡
弗中程使者奇之視民如子判獄若流問遺不受請託
不聽邑大飢相俸賑之扶不干楚贖不取錢或諷之曰
貨郎補官且奪去不以此時收息贏何待哲笑曰而欲
吾以官買耶吾賈廉也市貨於官吾惡之益勵水漿專
以疾告歸抵家十三日而卒

節傳錦
泉撰誌

伍榮辰字載賓晉江安平人仗義慷慨生平未嘗欺人人
亦不忍欺之賈於粵有客誤遺百金於其寓越數日檢
得呼還之其人願割半以謝笑曰使我欲得金固不止

半與卻之自是諸商益加敬重及子登賢書始趣歸
復廣置圖書經史文籍目覽手披老而不倦優游二十
年而卒子鳳章萬歷己卯舉人任大埔令署程鄉俱有
殊政民立碑頌德

節安
平志

黃一復字靜夫號肖崖安溪參山人三歲而孤嫡母林撫
育之志規進取厄於數奇而敦倫尚義不為饒脂態事
嫡母養志多方脩黷奉侍而外有金錢梁肉恣所欲予
嘉靖初年永定賊行劫挾母林氏去一復日夕涕淚親

賞二百金官自刃入賊巢時婦人謂孝思感動云亡何

移居郡城適庚申辛酉賊勢披猖城中穀價騰湧一復捐粟五萬斤以之官以贍軍民觀察萬民英遣幣旌之歸故里見黔黎離散居室焚燹則出貲繕土堡招輯流移貧者給其衣餐漸次復業性儉嗇食不兼珍衣無重

米既卒大學士楊景辰銘其墓

揚大學士文集

林文明字尚榮晉江人少磊落有大志父歿家貧乃脫身遊京師家焉治計然寬大忠信與時消息以貨賄來者得其一諾賢於十券自此漸致豐裕人盡交歡所居窮巷座客常滿泉計偕歲百數十人無論識不識襍駟解

裝首至其舍出好飲食食之出湯沐沐之舍館定而後去比試爲置蠟炬果餌以爲常聲重海內尤好施予視人之急勝於已有王岡卿載綺繒直數百金斥賣都市市人以次來受賣旣而買皆敗業不能償王屬所善親騎帥徵之急文明惻然曰奈何以數百金傷數十命哉割橐中裝代償之家資去逾其半旣而貢生莊待試闕下主王所暴卒其僕以遺椒醬文明越三日發椒中有金二百大驚曰此莊物也不幸客死忍掩其金乎亟呼其僕歸之是時王爲莊錄遺橐方急僕僕呼呼無所

出及金歸叩頭出血謝云非公者奴死矣王聞亦亟爲

謝生平爲義非一飢待而火者寒待而衣者斃待而禮

者藏待而土者旅待而裝者齋待而供者橋道宮寺待

而成者無虛月日而其所最急者諸武曹襲職窘不能

計者以告輒先後濟之曰若皆世世稱戶侯無令以窘

故失其職後產且中挫所親規以早爲子孫計謝曰吾

少也困不能忍人困且富貴非生有也子孫自力爾會

恩詔有引年之典得膺冠帶以家政付其子鸞與鳳脩

業而息之家復大振三子鸞推擇守備雲中詒之書曰

努力爲國家脩禦國之備吾佐若廉歲率齋數百金鵬
用以推帳下得士心撫制邊疆夷人懷而畏之擢八爲
神機佐擊將軍得朝夕起居迎而喜曰兒勞苦邊事今
歸矣文明旣家京師常以去墳墓捐親戚爲恨蒸嘗伏
臘悲涕沾襟常稠疊寄遺以爲諸弟資會弟文燦文聰
自故鄉蹴蹶而來相持泣已欣然共案食共被寢夜分
相與語貧困時事絮且復泣未幾遂卒三子二弟環與
屬纊蓋孝友之報云莊履豐哭以詞曰於乎丈夫而豈
長貧以爲不信視公之身於乎旣富好行其德以爲不

信惟公是則已復列其狀余少宰爲之銘

節梅谷集

蘇埠宗字載益號翠榕晉江人五歲而孤兄亦繼歿諸孤

累然埠宗方成童未離學舍屬郡豪利其貲謀齟齬之

遂棄佔俾肩戶內外事家難頻仍備嘗艱况事生母依

依孺慕滌器廁禴奉嫂氏維謹撫孤姪如已出慷慨慕

義趨人之急如身當里中宿鏹猝構得其言立解謙抑

慎謚不以氣加人里遭兵燹移就郡城貲落而好行其

德如故有素交薦於寇鬻田贖之不足復益以妻之簪

珥襟期洞豁而課子孫獨嚴細故輒加讓碧湖故有紫

陽書院年久傾圮謀諸父老重新之堂庶煥然春秋不
忒子登第令滋陽貽書戒以毋飾厨傳發宜亟散宜均
年六十三卒子守一

節雲臺
燕菜

劉應寬同安人曾祖璠本江西玉山人元至正閒爲同安
縣尹卜築於縣城庫內巷遂家焉應寬樂善好施有安
仁里人夫妻哭子喪明乏食捐租十石給養又憫貧人
暴樞爲買社稷壇邊地施葬邑人廣文洪居正爲作義

地記

同安縣
志纂系

黃昕字載旭號菊軒南安人七歲而孤事母及兄以孝弟

聞田賦歲入悉兄主之比析箸辭腴取瘠課家僮數十
輩力積灌園治漿醞勞之非大過不輕譙呵皆感奮盡
力既筭滿丙申大稔豪家輒匿宿儲以邀厚直昕獨
散積粟數百斛以周鄉里全活甚衆戶戶祝焉妹夫陳
姓爲仇所構被繫竭力解脫妻弟業儒貧落爲佐饗殮
得列青衿與鄉隣雍睦無聞自少至老未嘗有牙角諸
交質必籍昕爲信邑令屢延鄉賓不就後復上其行誼
于臺使請冠帶旌之未至而歿年七十六

節揚文
格文集

洪松字國明號錢峯晉江錢與人移居郡城父母繼歿貧

不自給乃入安溪湖頭市人見其狀貌魁偉貧家爭取
糲餉之繼而賈者與處知其善擘畫且誠信益敬禮焉
市有道人相其貌當不貧輒周旋又有藍媪留松與居
視若已子自是得借資于殷實家持籌握筭貲由是起
益居積種樹牧畜出貸于錢收而息之漸致饒裕於是
歸錢與葬二親卹宗人之貧者酬向日取糲相餉者各
數十金道人歿經紀其喪追薦之厚報藍媪存問終其
身發金錢數千緡脩牛獅嶺治湯頭橋行人便之歲疫
施糲百餘出粟賑飢呈官請禁包糴全活甚衆郡人皆

重其義云

節景
壁集

黃思詔字有從南安人河清姪萬歷己丑歲貢廷試授訓導不仕歸爲鄉興草利弊脩萬石陂水利邑人賴焉子

一長萬歷戊戌進士以丁父艱歸哀慕不輟卒于家孫

日耀年十五登萬歷丁酉鄉薦

南安志

張蓮惠安人峯孫萬歷丙子鄉薦家居孝友會歲歉勸父

廩生察蠲租賑飢里人爲立碑嘗葉金還妾見獎于當

道八上春官卒于錦癸卯鄉薦任鑛已酉鄉薦

惠安志

劉柳字才澤安溪人春兄好施濟全活多人邑令爲請授

義官令有難折之獄送柳諭解之民稱其平祀忠義

安溪

李呈春字于煦惠安人愷子田太學生授廣西按察知事

時值征徭轉輸糧餼能於其職擢丞土饒授光祿署正

以歸爲人尙義好施萬歷丙申歲大飢出粟煮粥賑貧

洛陽橋石梁傾塌太守姜志禮圖脩復之延呈春董役

倡義捐金索址整築邑人爲勒石道左

惠安志

陳以廉號我泉其先漳人徙居同安織絹爲業而惇誠慷慨不類市中人邑東同山朱文公大書深刻在焉山故

祀五顯大帝屹爲東鎮廟圯移神於溪許第二橋萬歷
壬午邑南人釀金新之先是溪漲浮大木長丈許上書
大帝二字廉不惜價購之至是乃募匠鑄帝像一切磚
瓦木石工匠之需廉皆身自程督卽錢穀不靳胼胝不
辭越乙酉告成前殿後寢神堂僧室巍煥軒爽又捐貲
買耕地若干以給常住歲時奉香火焉邑西三十里有
溪曰黃樵爲安南二水之匯山夾峙石參差大浸則沒
牛馬諸道居民募衆造橋踰年復決廉捐貲以終其事
且建廟橋左以憇行人於是來往稱坦途邑令洪世俊

以學官前文舉不卓謀建塔鳳山之巔衆舉廉董其事
延至縣堂花紅鼓吹從中甬迎出廉奉命程督如同祠
而加慈焉其秋塔成明年辛丑許繼遂魁南宮廉五十
未子巳卯五月朔夢神人雲中呼曰而刻我像我昌爾
嗣及戊子而妾舉諸生應震焉廉歿二十餘年羣議塑

像以存檀施蔡獻臣爲文紀之

節清白
堂稿

洪以誥字德益號雙林南安人移晉江爲諸生事父母盡
孝兄弟及羣從視如手足篤親舊重然諾急人之厄妻
弟貧囊周給無虛日沒撫其孤二妹適人一際時艱一

遭家難悉心綜理哺煦之倭寇充斥英山田僕投主舍

或自賊巢歸疾疫傳染衆議格勿納以誅置諸旁舍病

予藥支給槿而家中于指竟無恙寇退蒼頭閒行還里

徵卒捕以爲盜詣郡庭爲申請得解宗人議築堡捍賊

以說腴田若干在營度中捐以成之構書舍以課子額

曰三惜軒集英俊角藝課其甲乙年四十五卒子有觀

訓導有助萬歷壬辰進士廣州知府

節田亭草

曠存恕號振齋晉江人家貧棄儒就賈稍贏裹裝入粵先

世遺業盡推與弟累葉祀事悉身肩之無所旁貸嘗遊

甫中有遺金于市者拾之慨然曰奈何使道有拾遺之
誚而我無還金之誼候於道旁忽有號泣來者曰吾
子完糧僅得五金今又遺脫何以生爲亟撫而還之其
人泣謝去在粵子姓來依者推解更年不替以儒業至
者極力周旋且爲游揚其旅化無資者爲殮殮周親頌
德粵人亦推重之

節霞樓
藏景

田雲龍字德從號騰江晉江人爲諸生試恆異籍嘗授
徒自給嘗構館起建業已復遊燕邸黃鳳翔舊有姻婭
延爲子師門人李少宗伯遺其子胤祥受學焉宗伯

自負與談文輒心屈爲其子慶得師既而允祥登第授
庶吉士及鳳翔假回雲龍偕之歸慈祥醇謹爲鄉人所
慕共推主里中正有構必就質立爲諭解卽爲所短無
不心折者會權稅議起諸牙僧蟻聚蠅營請繁征下逮
蔬菜且謀及汎舟之役雲龍拂然曰泉土瘠民稠仰哺
吳浙若征及海艘穀米恐諸奸漁獵商人阻畏是重困
吾赤子也官司亦何利之有遂陳牘于邑令極言其不
便狀令是之議遂寢閭堂翁然頌德焉

施濟民號玉溪晉江潯江人尚義好施家無餘儲僅收數

斛麥萬歷閒值年荒有告匱者輒取麥分給之升合不
留家濱海往來商艘遭風飄泊里中無賴少年伺閒剽
奪濟民涕泣勸戒語必刺骨聞者怵焉足不履城市有
拾池事誣訟之者夷然順受雖傾家不校也其妻許氏
同心行善虔事北斗一日霜雨連綿暮有老婦造門鵲
衣百結留飯之置寢所聞呻吟聲憐其寒與同榻體恤
備至黎明別去謂許曰爾積德如是子孫必有興者行
數步忽不見孫請海侯琅

近時
新案

傳志節字君惠南安人晚遷于少治鉛槧數奇不遇途恬

脩課子爲人慷慨知大義嘗募鄰嘉賓范堯夫之爲人
歲大稔施粥濟飢至鬻田以繼之家席父祖遺饒以緩
急醜應遂成寒窶然終不持券求理將歿盡取而火之

南安
志

陳啓璣晉江人爲縣吏生平不犯二色好行善遇貧人輒
與方便萬歷丁巳有繫于獄者值改歲爲白于官獲釋
約謝銀五兩僅送四兩六錢詰其故則曰原賣一女銀
五兩爲媾者取去四錢是以缺少啓璣惻然曰汝未出
獄家尚有女今出乃無女共守歲立及其謝金金湊銀

四錢令贖女完聚後遊粵東一夕道行昏仆被二冥卒
攝去見殿上人曰誤矣此善人也引坐案側看判事一

起不孝一起貪官受賄冤平民一起棄妻寵妾種種加

刑畢顧啓璣曰汝不犯二色多行善事應生貴子衣以

綠袍遣卒送回遂甦明年果生子韓遜順治乙未登進

士官至銓藩贈如其官

近時
新案

謝振玉南安人誠厚質朴與物無競崇禎壬午歲大飢傾

困以賑佃丁貧者不負償恆給以牛種而貸其稅每諄

諄勸人爲善常曰人善人欺天不欺人惡人怕天不怕

值寇亂闔家獨完以壽考終長子允鰲康熙巳酉歲貢

三子允元康熙丙午舉人

南安志

國朝樂善

王良

李廷碩

黃朝宗

涂世惠

陳御飛

李朝俊

林德尹

吳琰

曾邦慶

陳開峻

林綠苔

楊合暉

吳錫璉

駱鍾岳

周戴鳳

施韜

李夢植

黃世美

孝緒

孝績

蘇未觀

王朝俊

施馬英

陳萬寶

謝拱春

林志清

陳國和

國詩

胡天德

顏孔輔

施世榜

涂正昇

林汝舟

許朝輔

吳鵬程

陳鴻猷

陳元椿

陳王春

陳朱鵬

黃中柱

張廷毅

陳宸

陳文煇

林元起

白紹芳

葉方榮

方菁

陳士珂

天聲

柯士元

林芳德

王綸禮

周廷樑

岐德

○王良字遂侯號毅菴同安人居晉江以隨征臺灣功授左都督職銜值邑合清復銅魚古蹟計費浩繁良慨然任之又施榷于縣城建朱文公祠于其鄉子天慶貢生知縣觀濤康熙辛丑武進士斌康熙辛卯武舉人任海壇營守備乾隆元年以長子天慶貴

覃恩誥授榮祿大夫

同安志纂

○李廷碩字孫膚晉江人明給事焜長子爲諸生好義勇爲郡南溜石三陡門爲焜所築康熙甲辰洪水崩決已四復大決廷碩念先績傾賴自斫祖山柏木二百株仍

捐貲捐工爲諸鄉倡衆皆樂助方舉工值霖雨滂沱
多疑沮延碩謂天祐下民必無雨患旣而雨息潮退履
危歷險風日不避兩月竣功斷橋旣完水流復滿是歲
秋冬大旱獨南鄉諸田獲收邑人張潛夫爲文紀之

節張

確菴
碑記

○黃朝宗字國棟晉江人孝事父母甘旨必親供堂兒
不能自給按月給以蔬米得不匱族子無依者周恤
婚娶之家居中洲值大水衝決田廬捐貲脩築馬頭
數百畝嘗拾遺金五十兩守以還主不受謝子呈元康

熙癸巳舉人

通志

○徐世惠字仰螺惠安人有至性康熙十八年值海氛母病在床人謂寇至且暫避之對曰子避母將安歸亡則俱亡耳賊憐而舍之兄歿家貧視二姪如子教養成立俱列于庠雍正三年歲飢減餐賑濟錢米十日郡太守張無咎獎以金幣詩是雍正七年疫捐樽百具以濟貧不能殮者生平不履公庭鄉鄰忿爭善言勸解得免訐訟乾隆元年紳士僉舉孝德咨部給八品頂帶榮身乾隆二年邑令馮永振給扁曰媲美耆英年八十九卒子

孫多列雍庠

○陳御飛同安諸生母久病籲天請代得痊好嘗捐田以通水利立石以表孝節施棺木脩橋梁康熙二年浯島播遷局給族戚鄉閭義之

同安志

○李朝俊號成齋安溪人少孤稍長克自樹立痛父不逮養置田於宗祠迎父祀焉族黨姻戚緩急相卹歲飢平價以糶煮粥以賑施槥百具以給貧不能殮者邑令屢延賓席以孫清雲貴

馳贈徵仕郎內閣中書舍人

安溪志

○林德尹安溪人倡建土堡脩葺宗祠康熙庚申米價驟

昂躬往永春買米運回平糶有窮乏者負其直亦無所

校里人義之

安溪志

○吳琰字隱甫晉江人世傳神糶秘方治百病以此獲賞而好義樂施隨手散盡朔望給米與飢者冬月買舊衣冠以給寒者施藥施棺無所吝脩築萊山三石橋南安霞舒坑尾橋西門外晉南交界東關嶽口至七里庵亭大路又葺紫帽山金粟洞倡建鳳山寺寺外爲亭以憩行旅泉遭海氛後暴骨如莽約同志拾之彌月爲義塚於鳳山麓封焉年九十四卒以子雄畧康熙甲子武舉

任江淮衛千總加一級 贈武德將軍里人陳高翔爲
紀其遺事

○曾邦慶字雜章晉江人生而根器淳厚侍父母盡歡丁
播遷之變父母相繼淪喪棄舉業出走四方歸家頗饒
裕卽議建祖祠爲族人倡脩葺遠代祖塋其長兄沒後
二侄幼穉撫摩無異數十口合食如故性慷慨好義賜
恩山之右有巖乃前人建祀土神陶善人年久僅遺
荒址邦慶慨然獨力創蓋至親黨有困乏者推施亦多
不吝鄉鄰嘖嘖稱之年八十一無疾卒

○陳開峻安溪人爲人樸實敦宗睦族凡有貧乏輒周恤之康熙癸巳歲飢出粟以贍族黨邑令蔣廷重贈以匾

年八十九卒

安溪志

○林綠苔安溪人性孝友分產時母命以腰產與兄無難色康熙間蔡寅寇掠綠苔出寨餉以保鄉閭晚年遍收枯骨築爲二堆命子孫世祀之

安溪志

○楊令暉字子光號省亭南安人援例入貢持忠信重然諾好施與不言德值歲荒出粟煮粥以濟鄉人年八十

一卒子宗澤進士西延同知

○吳錫璉字文真南安人性淳厚篤于一本濱海播遷後連丁兩喪寄跡于外獨力經營得饒裕遂移兄弟眷口團聚粵中而宗祠祀田祖塋亦以次脩建嗣是諸猶子策名仕路出任監司郡守勉以盡職傾囊以資無難色康熙癸巳間粵東災荒錫璉煮粥以賑全活者多粵人至今稱之以子澤民職銜

勅封承德郎年七十一卒

雍正志稿

○駱鍾岳字維琛惠安人幼喪母隨兄事父服養若成人及長以孝聞後父沒悉力誠慎不少累于兄性復淡約

好自儉以濟人每遇歲歉輒分贍宗黨匱乏者雍正乙巳惠大飢疫禳盛行死亡藉道鍾岳先計族人按口授粟而以其贏糶米三百餘石爲櫓二百餘具濟諸無告邑令鄺慶元恐其力不贍勸同志贊襄之惠人德焉上其事於官郡縣皆立扁旌之制府撫軍金錫以詩箋邑南半嶺亭一帶溝渠漲發民皆病涉捐貲建橋以利行旅興泉道朱叔權題其橋曰樂善爲文記之又脩北關外道路自居仁至塗嶺計長三十里年五十四卒

○周戴鳳同安灌口人買山二處一在塔塘一在陳井以

作義塚在灌口施耨二十年在溪邊施五年費俱不貲
○施韜字文起晉江人少孤鞠於母林氏長隨世父琅軍
中十餘年著有勞績得官矣顯恬於仕進家居孝友樂
善好施賑災荒凡十餘次戊寅同安水災捐金五百買
灣田分濟被溺諸家戊戌泉郡大水傍溪居民乘城避
者幾千人煮粥汎舟分給以迄水退設育嬰堂以收棄
女捐社倉粟以備不虞橋梁脩造自省抵漳大小計百
五十有奇晉之河市市南之小羅溪同之洪濟飲亭諸橋
俱費白銀盈千多碑而頌之至於捐耨拾藥排難持危

傾囊倒篋難以更僕也年七十六無疾而逝子士隆襲
功加都督職士嶽官憲副

○李夢植字世寬號澹齋安溪感化里人太史光龍侄四
歲失怙有至性見母洪氏水蘖孤貞輒哀愴動人稍長
與伯仲及季怡怡奉母咸謂苦節之報夢植頗積腴輕
財好施有祖森遺風痛父不逮養贖歸公祭田俎豆之
宗祠以榮之辛丑海溢播遷繼甲辰潦災比歲大祲流
寓多煢瘁夢植分給舉火如是者數年死不能葬者施
槥以百計砌石梁大小十餘所民不病涉築仄路以便

行旅窮荒租以甦貧佃蓋祠廡建覺亭章頽剝悉傾質

不吝者民僉舉善人合楊貞旌廬示獎

安溪志卷
榕村全集

○黃世美字立宇惠安人尙義好施拯困扶危康熙戊午
海氛方熾出遇故人子王錫棄於道攜以偕馳爲寇所
獲訴而義之得俱全及

大兵至寇退走負海盡驅所掠婦女艤舟港日索贖世美
歸發窖藏爲親隣贖還數十人乙巳惠飢而疫散財給
糶不遺餘力邑令鄭慶元申於上官給匾旌之子孝緒
字績之爲諸生力學淹貫父有義舉多贊成之郡城改

建考棚捐金以助惠北路圯倡義脩葺葦郡守王廷諍錫以匾勒石道左癸酉舉應鄉賓次子孝績字懋之監生河工効力雍正間

朝命州縣以上各保一人澱江守黃煥彰特舉孝績以父老未就壬申大雨惠城傾壞幾半績倡義捐脩完固邑令徐德峻申藩司錫匾褒焉

○蘇未觀同安積善里人康熙庚申往永春販布是夏穀貴斗米一金未觀將資本三百餘金盡數散賑又施楫百具以殮餓殍永春載之邑志在本邑見葉氏夫婦因

貧反日出銀十六兩助之勸令相安東出銀十餘兩
以恤獄囚廈門新路渡頭壞捐資三十五兩脩葺又倡
脩深青橋行人便之

同安志卷
永春舊志

○王朝俊同安人南灣遊擊康熙庚申邑大飢俊買米八
百石煮粥分濟仍每日人給米一升全活甚衆

同安
志

○施馬英安溪新康里梧陰鄉人父淵叔素尚義馬英年
甫十六康熙三十三年九月間有往府城代人買子爲
嗣者覓未獲帶銀十六兩回至本鄉松樹潭路邊銀包
遺落馬英拾得坐守以俟其人行二十餘里轉回徬徨

四顧將自裁馬英立將原銀給還取二員爲謝堅却弗受同鄉監生林郇宣義之贈以穀十三石

近時新案

○陳萬寶字時初一字懋齋安溪人居晉江遷鶴長子少敦孝友尙行誼未冠時隨父避亂詩山常抱甕持竿以佐膳羞蚤夜偕仲兄季弟然脂讀書以娛親心稍長有

文名以浦城籍應試督學拔第一旋補餼父宦京師二十年凡先人宅兆未安萬寶俱卜吉襄事無貽父憂次弟殲撫兩孤侄如已子爲經營產業以畀之丁丑丙戌泉郡大禱飢八載道悉捐所有煮粥於承天開元二寺

以食貧者泉人義之安邑令許封男卒於官旅魂飄泊
擗賢遺家人護其柩歸江右其施德於不報之地如此
康熙壬午登賢書東裝北上艱書居二年病劇旋獲痊
歸一年而父亦旋壟奉歡膝下年餘而卒年四十九子

覺世雍正甲辰舉人孫興國雍正丙午舉人都察院都

事

安溪志參陳謙季撰誌

○謝拱春晉江人生平好善効力戎閒寧海將軍喇公命
假海兵裝巡界適寇掠婦女八十餘口于舟中以計盡
脫之身幾遇害兩故人庇之得免還報大將軍大加獎

資給守備劄

○林志清安溪湖區人其九世祖敬宗曾募造緣施橋年久傾圮志清捐貲重脩之復倡建洪恩古剎鳩鑄福善堂銅鐘金蓋三寶殿所貯稻穀依賤時價平糶鄉人德之歿遺金以所植杉木創建新峯巖撥租三十石供佛齋僧其後子孫昌熾

近時新案

○陳國和國詩同胞兄弟同安人孝友之行老而彌篤又善推恩族有無妻者爲聘娶貧不能治喪者資之施棺二十載旌樂三十年通邑稱爲二難邑令先後延爲鄉

賓同安
志

○胡天德同安鼎美人援例爲國子生有王姓四代單傳
貧甚欲鬻其子天德憐而周給之得完聚卒成立遇災
施樁代償誣賊隣有母喪不能葬欲自沈於水聞而助
之人稱義舉

同安志

○顏孔輔同安後塘人舉鄉賓梵天文公書院歲久將圯
孔輔獨肩其任不辭勞不惜費書院巍然一新康熙五
十八年復捐重貲脩整文廟繚垣易土以磚堂廡俱
極堅固移建武廟亦得其助城西西橋綿亘百餘丈康

熙開毀於水雍正二年孔輔捐資重造爲費甚鉅行人

賴之

同安志卷
新徽册

○施世榜字文標晉江人鳳山拔貢生樂善好施於族姻
閭里之貧者周卹不倦嘗建敬聖亭于南門外以拾字
紙置田千畝充海東書院膏火又令長子貢生士安捐
資二百兩脩葺鳳山 文廟令五子拔貢生士膺捐社

倉穀一千石其在晉邑脩理 文廟及橋梁道路亦多

所襄助拔壽寧教諭擢兵馬司副指揮告歸

採臺灣
府志

○涂正昇惠安蓋生十一歲父病篤奉侍湯藥呼天求代

父歿擗踊號泣絕粒數日人謂奇孝異兒母患目疾以
舌舐之復得奇方洗滌母目漸明旣而母得心病割股
愈之得享餘年事兄友愛母歿復遍遊吳越東寧所獲
貲盡歸兄主之兄歿撫姪如子雍正四年歲荒流離載
道傾貲賑貧田丁租穀槩行蠲免稱貸文契亦皆焚滅
乾隆十八年大疫施棺無數郡邑及省中大役如脩學
宮葺義學建貢院改考棚脩洛陽順濟各橋俱有捐助
生平儉樸自持絕去圭角足未嘗履公庭年六十四卒
有子二人爲諸生

○林汝舟安溪人雍正閒會捐貲脩邑

文廟兩廡郡邑

錫匾以獎之

安溪志

○許朝輔安溪人素好義常施糶以殮貧喪逢節延浮屠

宣經爲造福雍正閒舉鄉賓年七十五卒

安溪志

○吳鵬程安溪貢生孝友樂善雍正丙午歲飢遵父命出

粟煮粥賑濟多所全活歷任邑令俱重之贈以額卒年

六十七

安溪志

○陳鴻猷惠安人援例爲國子生性好施與雍正三年邑

飢捐錢米於城隍廟煮粥散賑十日邑令備酒果致禮

鼓樂送歸自撫給以義高任卹樂善好施匾額郡太守
加道樹德務滋匾額

○陳元椿字永年惠安人少失怙事繼母孝年十三父歿
繼母遺腹弟在襁父遺薄業俱爲繼母養贖不與弟分
性好施與雍正乙巳歲飢捐賑病者施藥亡者施棺脩
橋梁葺寺觀惠邑文廟就圯獨任其役未成而終仲
子文輝繼成之有司詳奏建坊

賜額樂善好施文輝 授通判三子如雄武進士官遊擊四
子鳴夏武進上官提督

○陳王春字伯元同安人由監生捐職州同孝親睦族建祖祠置祀業尙義好施助設育嬰堂倡建縣堂重造南門橋塔塘橋又自造積善里英溪寧濟後埭三橋行人利賴督撫學使郡邑長各給匾獎焉年八十五而卒

○陳朱鵬同安人有弟早故遺一男朱鵬撫之凡飲食衣服先姪後子後商於廈門有呂某負官糖將鬻孫朱鵬以金貸完泉人義焉

○黃中柱字伯砥惠安人素尙義好施邑西南十里許地名菱布厝爲永春孔道遭水衝決行人跋涉維艱中柱

捐貲建造石橋計長二丈有奇往來稱便雍正丙午飢
疫交作捐施錢米餓者賑弔亡者給棺郡邑各送花紅
獎勵督撫給匾旌之後舉應鄉賓

○張廷穀字鍾美號怡仲晉江監生少讀書有大志年十
九從伯兄持籌於三山之中洲泉中鄉會試賓朋多主
其家凡省中交遊婚喪疾病以及脩葺道路津梁廟宇
皆隨力應之無所吝雍正戊申福州烈婦楊氏以死殉
貧不能卮事廷穀慨然出白金若干兩爲營殮葬時泰
山趙公國麟爲方伯聞其義舉延廷穀至紫薇堂躬自

酌酒具金花馬幣鼓樂迎遊四衢以爲尙義者勸仍贈以扁曰南邦傑士晚歸家課兒孫耕讀勤儉粗衣糲食不事華麗至祭祀宴客必從豐鄉里重之年七十四卒胞侄有泌雍正壬子舉人宜黃知縣

○陳展字麟若惠安人元椿子爲諸生試多前列善體父志凡有義舉皆佐成之復推父所未逮捐建文廟樂器祭器重建養濟院碣石橋陟門橋督撫會題以優行升國學子上升乾隆丁卯舉人國璜癸酉舉人國寶壬

申武舉

○陳文輝字庭若惠安人元椿子以捐贖州同授通判性

好義建邑義學葺城隍廟脩大路一百里癸酉惠邑飢

疫施棺出積穀平糶其餘如脩城垣造橋梁以及泉郡

興建諸事皆竭力助成之治湖宇流祀田脩譜牒有功

宗族子兆勳乾隆丁卯舉人授內閣撰文中書舍人國

器國珍武進士

採陳氏紀實

○林元起安溪監生淳樸好義嘗買地以收瘞道旁露骸

鄉人頌之

安溪志

○白紹芳安溪人爲諸生持身端謹倡脩古刹興復祀業

長沙府志 卷之七十一
鄉間重之子大成乾隆辛酉舉人

安溪志

○葉方榮方菁俱安溪人同胞兄弟俱爲諸生好施與嘗捐銀七百餘倡脩祠宇施櫪百餘以殮貧喪有舟子窮迫將鬻其妻菁資以銀十六兩得完聚焉

安溪志

○陳士珂安溪監生惇謹好義值兵燹有被掠者出貲代贖之子天聲爲諸生遇飢煮粥賑濟道路崎嶇者募工

脩之以便行旅卒年八十二

安溪志

○柯士元晉江塘市人捐貢生本都有沃田塘灌注三千八百餘頃爲三都民命所關屢遭大水崩壞士元出已

貨脩築之捐銀四百餘兩倡建祠宇仍備春秋祭費太守王廷諱因社倉缺粟勸捐士元獨捐粟一百二十石貯倉諸義舉多類此年六十三卒

○林芳德同安人捐職州同嘗捐百金重修梵天文公書院改造嶽口理學名宦石坊施棺十年費以千計所居馬家巷有通利廟爲朱子簿同時所題芳德重新之後於其後建閣以祀朱子計費五百餘金邑令張荃立碑記之

○王綸禮南安人乾隆閒歲貢事父以孝聞沒喪葬盡禮

與庶叔父合食通財無異視性慷慨好施與族戚里黨積年借貸不下二千金一日悉取其文券火之不責償雍正十年邑亢旱歉收凡佃丁應納租穀悉免之仍出貲賑卹近鄉窮民全活者數百生平言規行矩謙退自持卽有非意之加遠巡不與校足跡未嘗一至公廩邑中橋梁道路有傾圯損壞者或專任或贊襄不惜脩治之費乾隆元年興脩文廟偕太史洪科捷倡首捐資庀材鳩工至忘寢食用克成功督學戴公瀚錫匾曰聿屢呈芳太守許日熾造廬優獎督學周公學健以優行

旌焉

○周廷樑同安人事親克供子職撫弟侄友愛無間祖祠
傾貲獨力脩建族姓貧乏者加意存卹鄰里喪葬極力
扶助遇歉歲寬田丁租入貧者自爲破券橋路廟宇隨
力捐脩雍正十年舉應鄉賓乾隆二十二年以子遵例
急公 贈中憲大夫子岐德監生捐州同加五級善承父
志捐脩本邑 文廟明倫堂朱子祠玉屏書院鳳山書
院及苧溪考溪塔仔塘等橋本府南鼓樓新橋會城貢
院皆有捐助又嘗以事至臺灣與廩生侯世輝等倡建

文廟計費七百餘金事竣具題議叙

泉州府志卷之六十一

隱逸

無所長而遜跡是以隱自文也有所覲而潛踪是以
隱爲市也非隱卽非逸也處士虛聲終南捷徑識者
羞之泉山水清奇洞壑之間類多隱君子焉泉石膏
育烟霞痼疾以安身爲樂以無憂爲福非不遭逢聖
世而獨寐寤言有甘守適軸以終者卽或結廬人境
不盡托跡深山然門無車馬之喧室有圖書之趣杜
門却埽名可得聞身不可得見也

國家旁求俊乂野無遺賢凡巖棲谷處之士靡不慶連
茹之彙征聞有斂采韜光久晦於山巔水涯者固亦
盡其優遊自適而不之強也志隱逸

五代隱逸

詹琲安溪人敦仁子隱鳳山下號鳳山山人奇才曠達議
論慷慨勸陳洪進納士於宋從之今宋史所載陳洪進
納士表琲所撰也洪進既歸宋欲薦琲於太祖琲追和
秦系辭張建封詩以獻洪進亦不之強既老人稱爲年

德居士

安溪志

宋隱逸

南安翁

崔唐臣

黃登

蘇隨

林知

韓雲瑞

翁定

趙庚

石蕢

趙彥慧

陳好

劉志學

趙文孫

伯碑

鄭曾子

陳與桂

梁議

宋隱逸

魏秀才

陳必敬

陶安翁不知其姓名偕二子種園爲生麻衣草履舉止迥
別十餘年不入城市漳州陳元忠嘗赴省試日暮投宿
其家麻衣草履舉止談笑類上人入門茅茨數椽竹樹
茂密案披六經陳叩之曰翁訓子讀書乎曰種園爲生
耳亦入城市乎曰十五年不出矣少馬二子歸捨鉏與
揖進葑羹享客不復共談遲明別去以事留郡城越日
見翁倉皇入府追訊之乃長男鬻粟失稅爲關吏捕送
翁與次男偕詣庭下郡守將杖長男翁拜懇曰某老鈍

無能藉此子贖若渠不贖杖則翼日乏食繼以身代
次男曰大人豈可受杖某願代兄三人爭不決次男忽
附耳語翁怒叱之守疑扣所以對曰吾父宣和閒累典
州郡翁曰兒妄語耳守復詢諸勳在否其次男曰向作
一束置甕中埋於山下守遣吏借男發取視之果然卽
延翁上座禮謝釋其子次日往訪之室已空矣

宋史

書南
安縣志

崔唐臣晉江人與蘇頌呂濬同學交好蘇呂登第崔慨然
罷舉其後蘇呂入三館乘馬楫出循汴岸見一土壘舟

坐蓬窓下蓋崔也正就講之爾其別後况味曰初倒篋
中有錢百千以其半買此舟來往江湖開其半市雜貨
貿易時取贏自給雖云汎梗飄蓬差逾應舉時也蘇呂
邀與歸不可但叩官居坊曲所在明日自局中還各覩
崔留刺亟訪舟次則莫可踪跡矣歸視其刺之末有細
字小詩一絕云集仙仙客問生涯買得漁舟度歲華案
有黃庭曾有酒少風波處便爲家

聞者選者錄話

合集

黃登字君陟由南安居晉江少遊上庠與陳覺民有研席
之好且三十年及陳守泉溪兩歲登未嘗干以私既卒

陳以文誅之謂其窮經恥受一命學道深造大方蔬茹
如享太牢燕處若奉五戒張讀不為許可亦以隱君子

目之

舊志系
開書

蘇隨晉江人嘉祐二年進士任博羅令棄官歸鄉里號紫
雲先生隱洋真棲霞洞葆神鍊氣不與俗接一夕夢遊
異境覺而賦詩曰夢乘鸞鳳到仙家侍女風流魏月華
琥珀盞斟千歲酒琉璃瓶種四時花金函藏錄文刊玉
石壁題名篆點砂一枕北窗初睡覺日移門外柳陰斜
後數年端坐而逝

舊志

林知字子默晉江人開將仁翰裔孫隱居篤學有志尚築
室靈源山之巔人鮮見之熙寧間嘗詣闕上書論時政
久不報在京時惠安簿林迥訪其書室題壁閒曰先生
平昔命何非萬卷詩書一布衣回首長安成底事吳山
蒼翠幾時歸知遂歸隱不出縣南有烟浦埭衝決久廢
知脩以利民里人德之爲立祠劉濤經其塚吊以詩孫

外紹興三十年進士

舊志

韓雲瑞字文叔南賓人以父蔭得官不調取印歷大書歸

去來詞號宜休有耕烟小集

閩書

翁定字應叟南安人年四十不應進士舉日與名公爲詩

文交著有瓜圃詩五卷

開書

趙庚字叔初晉江人淳熙八年進士歷廣西常平幹官久
不調嘉泰初相臣有研席之舊移書諸司敦遣入都將
以學官處之時韓侂胄用事庚引疾力辭親舊交勸不
答帥蔡戡除次對庚以詩賀之曰腰金不足爲公重懷
寶無瑕乃席珍戡感其言乞祠歸後客五羊廖槎溪爲
帥尤加敬焉及卒貧甚門人黃以寧裹金葬之

舊志
卷八
閩書

石蒼字蕃甫同安人以世胄清遊鯁論忤世浩然而歸崇

寧中隱於文圃山詞藻清節推重一時嘉定閒邑人楊

志爲作三賢堂與謝脩洪文用合祀

雍正稿

趙彥慧字凝遠南安人馳恩合得官不取真西山欲以逸
士薦辭焉有靖節年譜二卷古錦囊集春臺詩話行世

書

陳好本名豪晉江人曾受學於楊時後在太學與陳東上

書留李綱及東被誅遂變名遊瓊州因家於蒼原子孫

繁衍

探廣東通志

劉志學字師孔晉江人與兄璧由上舍釋褐登咸淳七年

進士志學教授台州以親老歸省元兵滅宋杜門不仕
蒲壽庚欲羅致門下固避之下帷講誦從學如雲時或
縱飲劇談以泄幽憤種菊數十本號秋圃以陶潛韓偓

自方

舊志參
關書

趙文孫字道鳴初名必諱宗室商王九世孫自紹興移蹕
屬籍南外宗正寺遂爲晉江人咸淳丁卯以登極恩賜
出身除福州長樂縣主簿宋亡遂不仕易今名遊居郡
庠不接流俗專以訓誨講解爲事同縣有趙伯暉亦宗
室與傳定保爲友其文章議論淵懿清博爲閩南碩儒

八閩
通志

鄭會子字子可晉江人咸淳十年遊太學景炎丙子隨蹕
三山以迪功郎爲潮州司法未行泉州降元蒲壽庚薦
授武畧將軍梅州路治中不受閑居終身自號唯齋平
生儻急義樂道人之善是非曲直正言無諱郡縣大
夫事有疑難必造廬咨焉

舊志

與桂字彌芳晉江人年少博學咸淳中領鄉薦第一入
元不仕隱于安溪水竹村足跡不復及城府文行高古

與桂字彌芳晉江人年少博學咸淳中領鄉薦第一入
元不仕隱于安溪水竹村足跡不復及城府文行高古

舊志

梁護字陽夫南安人東平丞相適孫李又肅公孫

跡不仕隱於靈秀山風節高峻詩翰清美

南安志

魏秀才同安人逸其名居涪江上有太上隱者之風邱葵

贈詩二章其一屋茅蕭索泣寒虫獨自吟詩學已工敗

葉能令溝水黑亂雲不放夕陽紅半生辛苦空儒服一

歲蹉跎又朔風不意窮鄉有奇事暮春得拜席門翁其

二
淡蓬門掩候虫窮通底解問天工
茶草葉面粉粉

白燈吐花心灼灼紅屢改新吟添硯水密糊舊稿護慈

風相逢莫道龐公老
鏡先慙似老翁

閩書

陳必敬號樂所同安人少穎悟通五經諸子百家言宋末
一舉不遇遂不復出嘗與邱葵講明濂洛遺學所著有
詩聯遺文其咏釣臺詩云公爲名利隱我爲名利來羞
見先生面黃昏過釣臺又云已上桐江臺又弄桐江釣
不食桐江魚不怕嚴公笑二詩人傳誦之

同安志

元隱逸

陳士麟

莊主復

陳士麟字子信南安人性嗜學多所周通老宿弗逮每取
諸葛武侯吾心如秤不能爲人輕重之言以自儆所居

在縣之烏石山種稻盈郊樹桑環宅市書課兒釀酒
客或適意漁獵放浪藪澤閒病草鳴其子同曰平生
古今且不起喪事依禮慎毋用二氏非親知不受足踰
月而葬題云有元貞士烏石陳公之墓

闕書

莊圭復字生道號容齋晉江青陽人篤志勵行以文學名
少從遊於邱葵值宋季流亂手未嘗釋卷誠信孝友建
祠宇立祭田入元隱於青陽吟咏自如至順閒福建閩
海道知事清江范梈以圭學行聞於朝詔書屢下終不

起年九十一卒于家

節張廷芳撰誌

明隱逸

莊逢辰

趙士亨

諸葛班

夏泰

蔡惠

郭彥貴

陳璣

趙復

郭環進

吳權

李漢

吳煜

歐陽秋

潘清泰

黃淑濤

陳洪璧

丁衍夏

王萬

鄭士鏜

張士柳

紀許國

高寧

洪天馨

蘇文昌

諸葛昂

華逢辰字士明晉江人元季躬勤種藝養母雖在亂離中

手不釋卷母卒喪葬一據朱子家禮洪武初或勸其仕

笑不答日惟教子讀書後進多師事之號靜齋先生後

以子琛貴贈大理寺評事

舊志參閱書

明崇禎

趙士亨字應嘉晉江人元季吏于縣未幾棄去杜門讀書
以求聖賢之學後隱于九峰山父喪明母患癰奉養周
至湯藥必親累歲不少懈父母相繼歿居喪盡禮廬于
墓終喪乃歸教授于鄉時山寇呂光甫嘯聚剽掠所至
焚燬獨戒勿犯趙先生閤舍洪武初由人材薦授繁昌
縣仲窪河泊官強赴焉尋引疾告歸

舊志

諸葛珪字楚賢晉江人宋廷瑞之後晉子少好學緝藉經
籍儻尚氣節洪武十年憲檄辟爲從事憤然曰安能
居刀筆之下托疾不就越四年以明經徵赴將授以職

復以疾辭杜門養志煥心經史子文

書問

夏秦字西仲晉江人少讀書經傳子史靡不該貫教授鄉里郡守胡器與部使者多造其廬咨以政治洪武十六年召至京師欲用之首陳年老乞骸歸簞瓢屢空處之晏如也或云元季進士不知何許人避亂來居青陽山

舊志

蔡惠字世安號純齋晉江人性沉靜好讀書有高行尤精地理之學自擇墳地于三十六都大桃花山其山勢大金蓋小金青龍三顧白虎四衛墳前印浮水面乃島嶼

也水外羣山拱護天清日朗時歷數之得百餘峯地家
謂城東諸墳鮮有其匹晚歲委家於子遊神物外窮年
山居絕葷腥不復問世事諸山多所遊寓惟居金粟洞
最久出貲建屋若干間以與道流居沒後道人塑像於
洞中祀之進士周太初挽以詩曰處士素樂善晚年長
蔬食大兒能克家小兒鄉進士司訓吳靖爲銘其墓次
子輝永樂甲午舉人元孫清

節蔡文莊集

郭彥貴號艾庵明初自莆田移居於泉遂爲晉江人潛心
爲學手不釋卷以小學訓其子謂其著論精確最切曰

用郡守欲授以冠帶謝以詩曰縱然軒冕終身樂怎似
琴書一日閑構園結小屋其中置琴書集徒談史題其
門曰門無車馬跡座有琴書聲生平孝親敬兄篤有至
性年六十一卒門人哭之曰不貪軒冕臥烟霞爭奈西
風促歲華半世琴書空佇恨一生孝友竟成嗟月明滿
院無過客雨暗荒庭有落花最是春令心獨醉幾回涕
泣洒天涯

陳獻字徵仲號伯崖由福州來家晉江性孝友不求聞達
工詩詞宣德間累召不起號爲徵君

舊志

趙復字無疾晉江人隱于邑之孤山博通經史不求仕進
冠婚喪祭以古禮爲泉俗倡人多化之卒年九十五門

人私謚曰莊節先生

舊志

郭環進字思勤號二致晉江人彥貴次子少聰穎經書一
覽終身不忘性耽林泉不樂仕進正統間郡守依恩例
欲授以冠帶上書辭免其畧云山野之性布衣之行守
拙自晦與物無競有時筍江之濱有時紫帽之徑我
我漁我觴我咏夫豈絕人我適我性隱於泉山之雲臺
室題門曰地偏人罕到源活水長流沐其教者多從之

飲酣賦詩曰隔林鳥語依人巧
窺戶山光向酒樽
根深池畔石臺花香噴
雨中秋又有襟懷洒落朱門客
身世逍遙閬苑仙之句年六十五卒

吳權字用中晉江人幼善屬文舉正德癸酉副榜隱居不
求仕進築室迎春門外九石之右讀書講學以終身太
守周道光題其石曰碧玉毬爲文記之

李漢號東甲安溪人嘉靖閒仕桐鄉訓導告歸不復出王
慎中贈漢詩東申先生愛靜便辭官正及未衰年忘機
不賭園基墅好飲多開種木田每誇妙得閑中坐更詭

無如醉後眠子夜絃歌娛客處一春風雨養花天紅英
漸委蒼苔上白雪來侵綠鬢邊世態無端爭夢裡人生
何事勝樽前品可知矣

閩書

吳煜字時昭安溪人正德時隱鳳坂之麓賦性嚴毅微醺

輒誦古詩以自娛不求仕進

安溪志

歐陽秋晉江人詹之裔隱居南安天豐山作獨善山房讀
書以終身蔡文莊清爲記稱其孝友善教推餘賑乏大
爲士論所歸

潘清泰安溪留出人嘉靖間築精舍于瀨林之龍潭攻儒

業重躬行實踐之學晚迹跡于黃冠隱居蓮葉山麓
老子法門嘗咏詩有不厭清齋淡應知道味鮮之句惠
安李愷以姻戚過訪與談道與贈之詩曰得道留山老
歲寒繁華富貴等閒看隨雲採藥超塵遠敲雪烹茶坐
夜闌六甲風雷藏寶籙一壺天地雜靈丹縱然復出山
陰客第惜鵝經欲換難一日疾作知數將終召家人沐浴
更衣畢徐言曰鼎湖雲暗處華表月明中了此平生
事優將上帝宮遂坐逝

安溪志

黃叔清南安人河清弟自號曉江漁者爲諸生棄去入山

耕讀印壑水木怡然自適偶爲詩文離塵出囂奇怪萬
狀邦君賢大夫禮之不應令顏容端與善以艱歸貽之
書曰俗以仕宦丁艱曰放假蓋謂歷官日多不能肆縱
只一居喪當爲暇日利田便舍肥肉大酒言出莫違意
着羣應入耳驗目大都如此昔呂東萊在艱請授陸象
山已議其非何今古相遠不啻雲泥執事學有玉腦定
是踏定一步也淑清旣歿狀其篋得詩歌雜文若干首
弟濂清與子樗仲梓行之名曉江集王慎中爲之序

閩書

參王遵

讀文集

陳洪璧號微庵晉江人高州守洪載從弟隱居涵江之濱
刻苦學易而於大極圖參同契鑽研入奧所爲詩文多
以理勝族中遊庠序有聲者多以遠大自負談文說詩
傲睨宇宙至於繭絲牛毛未易解悟之處必進質諸洪
璧爲之條分縷析退各充然有得學者皆稱之曰微庵
先生

闕書叅紫
峯文集

丁衍夏號雲浮叟一號適適生或號瞻亭主者或又號泰
清丈人萬歷開晉江人始居城西隅已遷于北其精廬
故在北途以家徙山名清泰故其爲泰清丈人獨著廬

前後不數畝中一曲渟然稍稍築室其中周樹刺桐代垣疊石爲闕門之而入扁其軒曰山岳效靈亭曰瞻亭曰來鶴曰雲浮石底泉流曰雲英引以爲曲水可觴鑄旁石曰泰清隱君雲廬客所命也石側爲劍潭劍在焉長可十尺深廣三寸許相傳道流鑄劍處泉上石刻曰飲水曲肱苑中石曰仙苑畦左右曰化鶴邱來自何方而化何門仙仙者鶴耶吾烏知夫所以然畦右大小石一類方壁或象桃其色頽舊有刻曰金壁堆曰蟠桃塢最高一石曰齊雲洞天謂高與雲齊也室僅數椽林因

之山贅因於際進退步武閒而透迤詰屈則不可窮
木草茹一任山所有四時芬斐不絕山之岡以望親壠
稍前而左畔穿壽藏木拱矣而去之益遠室產芝一莖
二瓣黃澤色所謂山岳效靈者也丈人登亭而瞻則猶
時時有遐思焉性雅不嗜飲酒然客至無少長輒與酌
興盡而止客去則觀手一編朝夕之矣家貧不能蓄書
聞人所有不遠致之上自結繩鳥篆以至近事無不博
綜下迨陰陽占卜肘後青烏及西竺南華參同黃白之
屬亦悉究其大指每有所傾則付禿管盡心焉至忘食

寢也意到成聲韻諧爲句簡易不程右法要以求自愉
快而已日久盈囊錄置四壁皆滿倚而哦之年幾蓋而
體加強上下山澗短筇自將時攀小梯蓋日可再往返
不勸山故有三十六洞洞多榛莽考圖經遍索其處哀
爲志加梓焉有梅巖者址沒舊矣索而得之巖石載歐
陽太守木龍贊數百十年前物也每值風日清美輒出
出則從樵人衲子爲汗漫之談歸誦偈數通牀頭懸一
磬叩之三兩聲鼻息齟齬然矣積雨烏戶登跡罕及竟
月餘不聞人聲自此所語會有奇焉云老雲英叟與木天

生合之而四野雲老蒼雲英雲漢雲而天生素
談洽時左右不厭皆爲言也脫袞落莫縱心皓然預爲
議若銘時歌以自適諺曰先生喜談天下事經紀數千
萬言先生喜讀古今書評隲數十百篇或如燭照或如
書占乃先生藉之以娛不欲有傳知先生者於風塵之
表省其道編不知者於泰清之巔嘆其飛鳶銘曰山之
北兮白雲深海之東兮蒼樹臨風飄飄兮攀松柏日出
皎兮掃親坐結廬其下泚水環局春風兮與澹秋月兮
與明梅之白兮蓮之華儼仰兮肅傲烟霞兮訂豐探木

天兮訪姚姒遊元圃兮招大庭人不得而名丈人兮秦
清其言橫放超軼達人之觀方外士也或曰丈人非痴
隱也少好儼儻之畫筭志在當世既不偶而逃俗大鈞
播物蜃鳩輒化豈非時耶隱君能翁能張合道家之用

雲臺
燕菜

王萬號龍磐晉江人爲學先志行而後科舉萬歷癸酉舉
人居龍塘之岸有石如鏡天然鈎磯時遊適其閒遂取
以自號終身不仕

鄭士鏗字淑玉安溪人少穎敏能文兄弟勸之進取曰富

貴非吾願無相強也夙暮林逋高風未肆拾居別墅
植古梅朗誦唐詩書於堂壁云流水直通柴窻下梅花
開向臥床前舉鄉賓年八十卒

安溪志

張士樞惠安人崇禎癸酉副榜遊跡臺灣隱居東安坊杜
門不出日以書史自娛辟穀二年惟食茶菓壽九十九
而終

通志

紀許國字石青同安人與父文疇並受業於黃道周弟子

數百許國最少掉臂獨行崇禎壬午鄉薦時年方二十
二退隱不仕著有廣史焦書名山集拂塵集與蕭中林

說傅公尊賢燕公稱壬午三異人近紀曾實合刻其遺

稿行焉

同安志

高寧字用靜晉江安平人博稽典籍潛心精研足跡不下樓者三年俯誦仰思有所得卽誌之於壁所著有止定錄若干卷多發前人所未發其體段類呂氏春秋而理勝之嘗請闕陳時事若干條時瑄炎方熾朝中泉紳見其疏多觸忌諱懼其以言賈禍乃羣懇奪而焚之俾其歸自是杜門不出老於牖下

節安平志

洪天馨本名喬棧後以棧棧同音改今名字子馥號薇峯

又自署稜陵洞通衢道人晉江人生而多病三歲不能

言暑月痘瘡潰發遂羸瘦稍長受易攻舉業旁及羣書

於外家傳語說林尤酷嗜醫藥卜筮靡不究心中慕葛

稚川許旌陽費長房上真元脩之道於叅同契悟真坎

離之旨叅悟洞徹詩出以夷易塵視稼垢每春旭秋月

行阡陌自吟自和靈源草庵金粟清源天心梅山諸景

踏咏殆遍道三山沂峽船幾沒不爲動入錢塘登吳山

訪紫陽洞上下天竺六橋闌入僧寺飯齋晤語而去至

金陵遊報恩寺樂之遇僧輒棲止延問灰心世路游情

方外妻子聚散等之團沙中年喪妻喪子女委運造化
了不動念城中地爲隣所侵郭外地爲鄉人所葬皆置
不較得奇方製膏藥以療人不受一錢遇貧者飢者常
解橐傾餽賑之脩宗譜輯家乘山房數楹方塘半畝類
垣散樹獨坐觀書時披紙書自得句閒亦作數筆竹木
雲山以自適不求工也卒年六十二

節呂天
池撰傳

蘇文昌字龍華號何蘇晉江人大司寇茂相長子崇禎壬

午順天舉人郡人黃景昉蔣德璟二相公餘問奇倡和

雅相推重甲申後無意當世佯狂憔悴頽尾江淮聞比

於勝國孤臣沿門乞火之意如是者十餘年羈旅中野
粵市童婦人女子莫不嘖嘖其爲蘇晉江也歸家息機
空門旁綜內典每一句一偈吟咏不衰飄然世外於天
下事若茫然無所解時有著作又儒生家不能道隻字
冲襟玉粹逸品金貞接人坦以直處家和而準篤友于
好施濟將歿預知死期卒年七十有六配潘氏解元方
伯潘洙女字燕卿號冰壺著有玉蘭館詩草行世

採蘇國瓏

撰誌

諸葛昺字公韜晉江人益長史應科子七八歲能文九歲

時父同年何喬遠過飲出手中箴曰兒能賦此耶曷卽
云巧匠經營却蒲葵於徂暑句麗雅製約筠蘭以先秋
出入懷袖之間周旋琴書之側披拂而解炎蒸乎俄頃
卷舒而借涼燠以去留紈箋丹翎規承古帝葛巾白羽
自我家侯喬遠撫其背曰可兒可兒鄭維嶽李光縉每
過下榻揚扈竟日出所著作屬校讐編次之應科磊落
嗜酒喜吟咏客至命酒酒至賦詩賦罷劇談無不盡醉
去者曷竭力承奉以順適其意時謂父有點之狂而子
有參之養父病膈噎八閱月乃殆曷待疾牀頭湯飲便

液巾裙廁牖必躬必親蓬垢累月蟻蝨沿行傾費之上
居喪哀毀骨立至有滅性之譏崇禎戊辰以子義封戶
部主事甲申之變入海居島上年八十四卒著有後凋

賦太武山賦詩文累篇

節諸葛氏家乘

國朝隱逸

洪承峻

王垣京

林高峻

林志遠

黃賢京

阮旻錫

李樹官

楊必祐

身少月... 卷之六十二
曾福

三傳

○洪承峻字彥灝自號紫農山人南安人太傅承疇季弟
爲諸生有逸才博涉書史工詩文尤喜臨池行草書蜿
蜒迢縱如驚蛇入草古箴挂壁時人目之曰龍蛇字明
祚旣亡

本朝定鼎將 授以官辭不赴康熙初年又欲官之固辭如
初時承疇方貴盛峻獨偃蹇巖壑夷然自放以書翰篇
什自娛其兄不能強也生平以救人利物爲心聞民間
有冤抑事輒向有司白其狀然不免爲家僮影射人亦

知而諒之

○王垣京字雄生號覆甌晉江人崇禎丁丑進士由南城
令遷至廣西按察使曷草後徒步歸家其題齋壁有詩
書債重售還負黎藿情多去復來之句三子俱癯邑諸
生借隱不就試被褐躬耕人莫知其爲總管字也

乘正
舊志

稿

○林高駿號山子晉江人崇禎己卯舉人其學以沈潛爲
宗人莫測其涯際胸中岸異不可一世曷草後不赴公
車亦不謁選歸性孤衷蕭然四壁圖書之外無長物卒

守窮巷以餓死同年蔡嗣襄爲之傳

節汗
沒編

○林志遠字致予號陶菴同安人萬歷戊午年二十六舉
于鄉力學博聞勵志弗衰九上公車崇禎癸未始成進
士授工部主事假歸甲申後奉母結茅清谿仙峯嶺不
後出人稱陶菴先生年七十二卒著有歷代史白

同安
志

○黃賢京晉江人崇禎壬午舉人與同年沈佳期相契好
結爲婚姻甲申後隱處海濱終身不仕

○阮旻錫字疇生同安人明世襲次千戶後裔闖賊陷京
旻錫方弱冠慨然謝平時業夙居島外師事曾公櫻值

性理學患難與共又得曹石倉所遊之友楊能元池直
夫聞其緒論講習風雅如是者十六七年出覽名山大
川北抵京華托處十數載後乃逃於釋氏止教授生徒
自給實鄭所南謝羽臯之流亞三山林氏佶謂其詩冲
微澹遠一以正始爲宗他日列文苑其平生志節必有
表而傳之者

年八十餘終
馬

水林吉
人序畧

○李樹官字石臣同安人偕阮旻錫築館於城南廢園屏
絕人事取先儒傳註語錄與有明二百餘年紀載及先

輩評訂者沉酣浸漬數年業大就博極羣書尤工古文
詞素慷慨負奇節嶽嶽不可下諸貴介頗願納交皆叱
而遠之以故布衣蔬食終其身困厄年四十有四而歿

○楊必祐字可庇晉江人爲諸生有聲立品端莊不苟取
與丙戌後絕意進取以詩文自娛時或憤鬱不平偶爲
友人招遊伊洛因得遍觀古跡名勝題味寫懷

通志

○曾福同安人爲諸生年三十餘卽棄舉子業結庵斗拱

山下談道賦詩日與文士相唱和

同安志

○王傳不知何許人康熙閒僦居晉江黃氏宅年老無妻
子賣草爲食人呼賣草翁日從市歸輒閉戶焚香吟哦
窺者莫測也時阮旻錫結泉山詩社傳竊其社題作之
錫見大驚詢其履歷終不肯言後題詩南安不老亭和
丁一中韻邑令某繼遊誦詩急使人物色之傳知而避
焉遂不知所終

東外府志

卷之六十二

日身開製

三

泉州府志卷之六十三

藝術

記有之天道不器至以藝術見稱抑末矣然而屬之
斲鐫之丸苟儻之承蜩神乎其技猶足以名當時而
傳後世况夫琴奕書畫爲文人所適心卜筮農醫亦
前民之利用小道可觀藝也亦通于道矣泉僻處海
濱非如通都巨鎮衆藝雲集得以互相師法而賦質
所近濇濇靈光一技所習有詣乎至精而若出天授
者宋元以前渺不可考自明代至今歷歷可按也

國家小物不遺凡堪輿星命醫卜諸術俱博採羣言擇其精粹繁爲成書誠以游藝之功聖賢不廢而一藝之微亦儔類所宗也志藝術

明藝術

余廷瑞

張壽

郭鍾

李鍾衡
何龍等

陳璜

陳於王

莊心賢
王興

郭漢

潘景

蔣際西

柯著 吳河 萬水
吳德初

李賜
連希谷

蘇璿
陳世胃

蘇祐
李無惑

蘇朝傳
伍金祚

李元達
陳從堯 宗學海

傅金山
黃學洙

王弼 何朝宗
鄭仰田

林鍾
鄭毓季

余廷瑞晉江人世業醫至廷瑞而得張長沙五運六氣之
妙用藥無不効者洪武中以薦授醫學正科閩郡鄭定

廬陵胡廣為賦橘井秋香詩

閩書

張壽字樂靜泉州永寧衛人工書法善文詞父景本衛指
揮同知永樂初壽以世職襲蔭入京師資斧不足作數
春字售于都市索者屢滿襲官歸嘗坐逃軍累繫獄會
撫軍某榮亭公習令能文者紀之諸操觚家數易稿皆
不愜意壽援筆試擬辭藻甚工或以其作呈撫軍大歎
賞之為平所坐累後卒於官壽書學精深當在晉唐能

品今承天寺月臺扁額是其手書也孫宏綱進士

郭鍾字允懋號履素晉江人幼習儒業弗售究心岐黃博覽醫學諸書精其藝不輕投劑然知而求之者日衆善教家禮法嚴肅庭無閒言郡邑採輿論延致鄉賓生子七人三爲諸生一任陰陽訓術七子濱世其業孫楠

李鍾衡晉江人工詩文有畫譜作翎毛花石生趣非一狀呂健稱其神腕同時有何龍王建章蔡應綿皆以善寫生爲一時之絕藝

陳璜晉江人爲人磊落負奇氣畫筆瀟疎閒放有米顛倪

迂遺法

陳於王晉江人工篆隸善詩畫鐫刻圖章尤精雅絕倫今
開元寺粉樹八分書紫雲屏是其遺跡也

莊心賢晉江人幼穎慧寫真不出師授於面貌亦不作位
置但下筆必會其人之可傳者總攝其精神故寫生活
現名著閩中稱爲虎頭後身又有王興能畫浮屠佛像
及大書

郭漢字本昭號愷樂晉江人源弟居家孝友襟期洒落善
繪山水翎毛點綴成象喜草書摹倣諸家隨時變易人

莫驗其筆跡嘗題其壁曰安分身無辱知機心自閑每
花朝月夕偕同志觴咏自適於勢利淡如也年五十一
卒

潘景字慎熙號緝寰嘉靖間安溪人博覽羣書尤精於星
歷堪輿隱居教授人仰春風著有地理書等集

蔣際西字沂泉晉江人相國德璟從祖也精於醫術途遇
昇新喪徃葬者見木內滴出鮮血遽驚曰此生血何絲
能死人問之曰胎產不下絕已終日沂泉曰形僵氣絕
則血淤血鮮未敗則神存速救無害主者難之時觀聽

擁集皆呼曰此名手蔣沂泉也倘萬死而一生盍啓視
之木開果面顏不變沂泉曰心系甚微此胎嬰被觸驚
持母心系急則氣絕系舒則復甦遂砭一針嬰痛釋手
呱呱下地母子俱全道路傳爲異聞其他奇驗率多類
此卒後傳有枳朮丸等方行世

柯著字景明惠安人教諭熙之子風骨巖峭善墨梅爲槎
牙老幹橫斜疎瘦之勢精神絕出同時同邑有吳河萬

水者善墨菊作傲霜團露二體尤盡其妙一人家徒四

壁終不肯向人作寒乞聲

閩書

吳德初安溪人以儒醫著名嘗有幼孩出痘死竟日德初投以藥立甦人異之廣濟救人金不求償有手書醫書藏於家

李暘晉江人初爲儒得異授岐黃術活人無數年八十四無疾而逝

連希谷江右人徙居泉州得海上丹方醫有奇效子孫皆以善醫名

蘇璿字孔璣南安人精岐黃術診脉輒知生死休咎有秘方求藥者無不與亦不受直人皆德之

身少凡元
卷之六十三
三
陳世冑同安諸生精六壬數凡所占驗多奇中自知死日
其術不傳

鄭祐字牛村惠安人善鼓琴聞粵東寡婦善孤舟操重藹
至粵賃屋比隣月餘得聞其音卽按節譜之以歸後遊
金陵嘗於月夜樓頭揮絃再鼓名妓馬湘蘭素解律竊
詣聽之忽止不彈曰有鄭衛聲何也湘蘭再拜乞授操
祐終以教坊人爲嫌不傳也旣歸家居晨起撫琴一曲
未終推絃遽起曰吾將斃矣日中果卒李卓吾以牛村
與吾野盆稱雙絕云

李無惑同安人善小篆爲翰林待詔蓋斯公陽冰之後未見其比其勁健端好又過於陽冰士大夫家藏之以爲

寶

事實類苑

蘇朝傳晉江人善範銅器凡彝鼎博山之屬一經鑄作無不精美尤善爲僊人海鶴之像至有高丈餘者人莫知

其藝之所師也

閩書

伍金祚字明允晉江人幼負奇姿長而調儻豪邁漁獵經史旁及歌曲絲竹靡不兼通讀劍經因而學劍精劍術卒以非世業棄之素好臨池楷法能臻其妙又精於行

草凡晉唐榻本以及名公真跡一臨摹輒得其神遊於

粵而卒

安平志

李元達晉江人善寫竹

閩書

陳從堯晉江人精奕同時有蔡學海者亦以奕名

閩書

傅金山南安人善畫茶

閩書

黃學洙晉江人善楷書初學晉人後復益以歐虞顏柳書
有名當世使者愛之以爲諸生

王弼

小名盛世

晉江人工詩文書畫尤善朔土寫真及諸僊佛

像獨造其微雖阿尼哥劉秉元桑帛脫活者不能過也

同時又有何朝宗者不知何許人或云祖貫德化寓郡城善陶磁像爲僧伽大士天下傳寶之

鄭仰田惠安人忘其名以所居呼之少椎魯不解治生父母惡之逃之嶺南爲寺僧種菜僧後還之無所歸號泣於野有老僧遇之曰吾遲子久矣偕入山授以青囊壬遁射裏諸家之術于是言皆奇中遇人無貴賤一揖而外箕踞嘯傲若不知有人步行可逐奔馬徧遊海內嘗至京師公卿皆重其術爭延接之有爲奸利詭僻者輒以微詞刺其隱其人面發赤不敢怒惟懼其盡言魏奄

聞仰田名名問休咎仰田蓬頭補衣長揖就座時奄覽
一方鏡指以爲詢答曰四國一人也奄大悅贈以千金
出謂人曰吾詭詞以逃死耳向所占者乃囚字也時有
斷繩掛梁閒指示曰魏其如此乎未幾忠賢縊死

年八十餘謂家人曰明日有羣僧叩門乞食
爲供具吾亦隨往矣質明羣僧果至飯畢入室端坐而

逝

雍正志稿

林鍾號寄園晉江人椽經藉史不斤斤爲博士家言試不售以訓詁爲後輩前驅入其門大叩小叩琅琅然鳴也

乎附之後習岐伯書稍解陰陽第用以怡神自調攝性不豪飲而喜佐飲酒中耳語多箴砭之談與之促膝

半宵勝服還元丹數倍云

節三餘集

鄭毓季泉州海濱人蕭然蓬荜朝夕不給入郡城托於祿命之業寄居旅店人知其治祿命而不知其工於詩毓季之詩於風得其趣於雅得其體於頌得其質讀史談經皆有意致蓋賢而隱者也著有鄭毓季詩何喬遠爲

之序

國朝藝術

何中安

吳應梅

黃士烱

王應基

鄭纘昌

陶碧

張儀羽

林泉

詹池淑

周士長

陳嶽

張廷韜

周恩彥

何天伯

東臯屠者

蔡泗德

郭徽

潘靈芝

王蓼

丁燧

莊肇滋

黃大臨

陳志高

郭士曇

白美振

○何中安字連山惠安人僑居安溪嘗得異書見病者治之無不應手有士人暴死兩足不伸中安視之曰此血脉上下隔絕於膝間未死也乃針其膝後窩中入二寸

許令吮出血卽甦有跛而行乞者爲敷藥散經宿敗肉
化水刮去再療數日卽起走海上有巨魁苦淋累月或
舉中安曰果任我必先以湯藥飲之沉睡三日方可治
臨飲舉者嫌太多傾其三之一以告中安驚曰子誤我
藥少則速醒醒而覺痛必殺我奈何舉者曰謹匿子毋
怒遂劈其竅中有黑子如石剔去合以膏散越兩日而
醒痛急索殺之舉者曰遁矣經宿病除中安語人曰元
氣太洩終必減筭也後如其言晚歸卒于惠

○吳應輝安漢人善岐黃術施藥輒效名重一時子文寶

亦以醫名

○黃士烱字木生南安人嘗擢武庠棄弗就復入晉江文庠凡天文地理遁甲諸書研究有得值海氛不靖防範布置井里倚爲長城有稔其才畧者招之不動強之卽他遁會被山賊擄入寨脅爲叅謀不從夜逃歸室已被焚乃懸草室微論四字托星卜自晦談禍福輒中占者踵至以所得散給窮乏或邀朋縱飲手著竹溪逸稿五十餘編皆身心切論傲袁了凡力行功過格四十餘年不懈臨歿數月前自撰行畧預填月日不差子允肅進

土官知縣

○王應基安溪人父獻白精醫學舊居府城後入湖中愛山水佳秀卜居焉基承父業孝友醇雅年八十邑令李鉉舉鄉飲正賓錫以達尊之扁至九十餘猶步履不衰

○鄭纘昌字哲俞一字俞公南安人纘祖弟生倜儻不羣年十六頎而有力讀書之暇輒潛講武備戰鬪擊刺靡不畢習尤精騎射嘗與人角勝負連射皆中時值黃花正開嘗請以花易毬射無不中再易以錢中如初又令八人各奉一毬如拳大瞬息間電掣風馳毬已俱着箭去

蹲者猶未覺也仲父建平侯泰以纘昌統領海上諸軍
爲諸將冠輕財好士人樂爲用及泰遭變時纘昌陳兵
金浦追者將至以所部擁諸將登舟自以身殿莫敢有
異志與季父鳴駿從弟纘緒率衆歸誠授左都督奉

命平島嶼向披靡遂埽清海國改授精奇尼哈番滇黔事
起從師穀城爲荆襄援尋進征夔府摧堅歷險多著勞
績旋師論功不及歸家卒年四十四

節雪泥
集文抄

○陶碧字石公晉江人能詩尤精篆印時莆人吳晉拔譟
都下周亮工著閩小紀甲陶而乙吳世以爲允且工小

楷人咸稱其刀筆入妙毛穎入能著有印鏡邑紳丁煒
魯允捷爲之序

○張儀羽安溪人精醫學邑令林公延療其母應效如神
凡所用藥多出人意表達近賴以全活者甚衆

○林泉晉江人能詩書畫篆文無不考究鄉士大夫及四
方遊客多與往來酬贈著有墨林印林倦遊草霜鬢吟
○詹池淑安溪人精醫學活人甚衆家故貧求者輒赴絕
不計利卒年八十餘

○周士長安溪人居燕岫傍涉獵奇書精堪輿尤善風鑑

李光地未第時決爲宰輔後果驗光地爲題贊其像年
八十四卒

○陳嶽字壽生晉江人以畫名尤工毛羽圖形設色一時
莫及性處窮情雖權貴家稍拂其意卽餌以重貲不爲
下筆

○張廷韜安溪人精岐黃術爲人療病貧者與藥不受直
和睦鄉里友愛二弟年八十七膺 恩賞

○周思彥安溪龍興人性慷慨朴篤晚學濟人術常施藥
活人甚多邑令林得蘭學官鄭楚勳均贈以扁

○何天伯本永春人徙居郡城花園後是爲晉江人以醫
名於世凡素難脈訣經方本草諸書靡所不窺十三科
之旨皆洞極精微晚更詳究太素脈理言人休咎絲毫
不與有萼輝舖陳婦柯氏新婚未久病日慳慳不離牀
褥其家求天伯視之診脈良久曰孕也且是男胎但經
云凡腎脈湧而向後者其父已死而後生此遺腹脈也
家人聞言驚恐請爲破胎天伯曰此定數也破之則絕
絕其子矣不可甫三月父病嘔血九月父死滿十月果
生男兒其餘斷人生死療病奇效難以殫述聞有世傳

百效奇方必竭誠求得之合藥以濟人今城隍廟稱德
堂徐鏡心萬應神軸名馳天下其所授也病自診脉知
死期囑徐鏡心爲辦後事卒年六十有九妻子皆先喪
徐鏡心爲殯殮葬於花園後城邊之麓春秋諱婉合子
孫世祀罔替焉

○東臯屠者晉江人不肯自言姓名以屠爲業暇則閉戶
著書土墻茅屋花竹幽情入其中不知爲屠者室也貴
人求見輒踰垣避去善畫盧鳳無欸識惟用一圖章鐫
東臯屠者四字而已著書甚多但未經傳布人亦少有

知者曲江廖燕爲之傳

廖宋舟文集

○蔡洄德字隣卿晉江人幼慧善奕會國手吳瑞徵來泉盡得其傳一時無與敵後遊京師有婁子恩者絕藝無對洄德與較不相劣王侍郎原祁雅精繪事做雲林大癡二圖使更賭勝者得之洄德再奕再勝侍郎爲題其事于上而歸之

○郭徽字彥美號雲谷又號彷彿卿晉江人博通內典諸子百家書爲詩歌文詞超脫徑徑書法摹彷彿右軍畫則人物山水花草禽魚曲盡妙境尤工指頭畫及墨水牡丹

當道暨縉紳先生延致無虛日贈以金帛多辭却或
文房雜器甘果佳茗則受之不辭性雅好山水老而不
倦高僧逸客候其至輒酌清泉焚名香以投其好興至
則伸紙潑墨淋漓揮寫不求而應今雲林泉石間其遺
跡獨多當事禮請鄉賓辭不赴郡太守伊靖阿贈扁曰
名崇月且年八十一卒

節刻本
家傳

○潘靈芝字紫秀安溪人居府城爲吾邑諸生能詩所畫
山水卓然名家

○王蓼字飛卿號恥齋晉江人善書畫其大字尤橫絕一

時莫之與京家酷貧岸然自樹不屑依傍勢利門戶惟以賣字爲生有買字者議價已成忽欲減辭焉旣而如價又辭倍價益辭時家中絕糧不舉火有勸之者曰當雨而奉蓋何固乎蓼曰自貶徇人賣字不如買餓也曰價已倍彼徇我矣蓼曰吾已辭于心因倍價而易心是賣心也執瓶灌花談笑自若蓋倔强能耐貧者

○丁燧字佩左晉江人自申裔孫爲郡諸生性直行方精草書彷彿懷素文士珍之日造門求字者常數十人後隱于龍頭山一室蕭條名花異草法書古畫怡然自得

興至與知交檢韻校書門茗不以家計榮懷卒年七十

五

○莊肇滋字騰伯晉江人家貧自得事父母誠孝竭致甘
青性好施與急人危因爲詩多性真語以下筮爲業所
占驗動輒奇中遠近至者重繭踵接自署曰下簾予人
亦以君平歸之晚年清齋綉佛持金剛經楞嚴萬行專
謹回向名流多與交遊譚論而世味澹然稱高尚云所
著有謙齋集

○黃大臨字愧呂號慕田晉江人乾隆甲子歲貢爲文深

厚有力琴棋詩詞皆造妙尤長於聲歌士類中以詞曲名家者推大臨爲第一

○陳志高安溪人爲郡諸生好讀書敦孝友尤精醫學濟人甚衆遠近賴之

○郭士曇字漢綠晉江人康熙甲午舉人壬子章從弟精畫事山水人物俱能傳神壯歲往京師縱遊吳越齊魯間耳目益開拓凡布景設色舟車亭榭川原樹木皆追憶其所經歷之處而酷摹之尤工毛羽細膩分明與陳嶽

手筆相彷彿士曇歿後鮮有能得其傳者

○白美振安溪人爲諸生善屬文兼精青鳥家言相度
治改設門樓自是令多遷擢年九十六兩膺 恩賞
志

泉州府志卷之六十三終